

出使日記續刻

出使日記續刻卷之七

無錫薛福成叔耘

光緒十八年癸巳二月甲寅朔記

東埔寨國自隋迄明久通中國卽眞臘也嘗併扶南

暹羅

兼占城

今越南圻

其後扶南占城各自立國國勢日削

介居兩大入貢暹越二國乾隆十五年廣南王阮惠攻

安南始據柬埔寨東南境置南圻六省而水眞臘之地

盡亡嘉慶十四年暹羅割柬埔寨西北境盎哥爾巴當

邦兩地而陸眞臘之地亦燧同治三年以後法人始脅

歸保護其時國界自赤道北十度三十分至十三度三

十分京師西十度八分至十二度三十八分止。尙有十

七萬九千六百七十方里。

十萬畝羅邁當方里

明季國王都於羅

佛克亦名干波底亞。城瀕東雷薩魄江右岸。康熙三十

九年南徙十四里。都於烏東。同治五年南徙六十八里。

地當四江匯流處。曰布農奔。

一作努邦

是爲新都。東南距西

貢三百七十七里。在赤道北十一度三十一分。京師西

十一度四十六分。國王歲入約洋銀七十五萬員。駐東

之法官。歲入洋銀八十三萬餘員。土著之居民九十四

萬五千有奇。華人十萬六千有奇。國境自王城外分五

部。曰光邦斯瓦。曰達邦克門。曰巴布農。曰布爾沙脫。曰

達利洋。

初二日記

呂宋南洋大島也。北對臺灣沙馬峙。南連斐獵濱羣島。東濱太平洋。西枕中國海。其北角在赤道北十九度。南角在赤道北十二度。其西而值京師東四度。東而值京師東八度。共有十萬二千六百九十五畝。羅邁當方里。本巫來由番國。明初始通中國。朝貢時至。隆慶年間。西班牙屢遣兵船窺呂宋。取馬尼刺。築城踞守。呂宋始服屬西班牙。久之遂爲所併。擅工商之業者華人爲多。華人之至呂宋。實先於西班牙人。皆娶番婦。長子孫。今華

種人約二十一萬有奇。西班牙種人祇一萬有奇。全島  
電局三十七所。綫長一千一百四十九啟羅邁當。土產  
以阿巴加麻雪茄煙名天下。麻質純淨。可爲布匹。織之  
爲帕。泰西視爲珍品。嗶嘰羽毛亦此麻所製。原料之麻  
約歲值洋銀八百八十九萬員。織成之麻。值洋銀十三  
萬六千員。雪茄煙歲值洋銀五十七八萬員。林木尤繁。  
烏木紅木樟木佳料頗多。居民三百五十萬人。野番居  
內地。巫來由番人居沿海。華人洋人居商埠要區。馬尼  
刺部在島西南。爲都會之地。值赤道北十四度三十五  
分二十六秒。京師東四度三十分四十一秒。

初三日記

西域回部。漢唐以來。號爲屬國。西人稱之爲達爾給斯。

丹。一作圖爾

齊斯坦

其地在赤道北三十六度至五十六度。京

師西三十六度至六十五度。東界中國。東南界喀什噶爾。南界印度。阿富汗波斯。西界裏海。北界俄羅斯。西北多流沙草場。名曰都郎。東南有高坡平原。土脈肥沃。河道暢達。亦有游牧草地。爲全境精華所萃。境內大山。多與興都哥士山之北面相聯絡。而阿克大士山實爲天山。西出之幹。由此分爲兩界。在北界者曰費爾加拉高坡地。在南界者曰蘇的亞訥高坡地。費爾加拉爲納林。

河之上下游。蘇的亞訥爲阿母河之上下游。兩河雙流入鹹海。中夾一河曰射拉福散。流入加拉開勒湖。所謂黑湖者也。在漢爲烏孫大宛月氏北境。卽康居奄蔡故地。康居當今哈薩克諸部。奄蔡實俄之西伯里亞部。乾隆年間。元之後裔不振。同族亦日就衰替。而俄日強大。道光年間。屢伐機窪。三十年已占其東半國。同治十一年。取機窪全地。盡有阿母河之右岸。設巡撫以轄圖爾齊斯坦總部。復割布哈爾之地。明年脅服勾岡特國。而納林河左右皆歸於俄。光緒二年。取勾岡特國全境。設巡撫治之。其地起自裏海西岸。東盡伊犁。皆爲俄屬。駁

駁有通印度之勢矣。申刻率馬格里赴外部。與勞偲伯里爭論滇事。酉刻始歸。

初六日記

布哈爾一國。沿阿母河右岸。北至納林河。回人稱之曰馬外爾耶。譯言近江之地。在古爲最繁盛。城內多祠宇。北界哈薩克。勾岡特。東界小布加里。南界阿富汗。西界阿母河。與機窪相近。地約一百餘萬方里。居民二百五十萬。多哈薩克人。烏士拜克人。雅拉伯人。波斯人。卑彌夜人。大哲克人。猶太人。印度人。雜處而成國。東有峻嶺。南接興都哥士山。餘皆平地。多草場沙漠。有大湖曰阿



那勒曰當日物產有駝騾驢牛羊鹿熊狼狐桃杏李蘋果梨葡萄瓜大黃稻麥稌芝麻玉米煙葉棉桑桑可育蠶皮可造紙地有五金礦運自中國之貨曰磁器水晶綢緞茶又轉運華貨於機窪及裏海之俄人而易其呢布今之有國者曰烏士拜克人以明弘治間始立國舊稱王曰可汗今改稱曰歐米爾國多內亂分合不常故易受他國陵侮俄王尼勾拉頗欲由布哈爾進窺西藏事未成而中止

初七日記

機窪國北界夜末河意爾日河河外卽哈薩克故地南

界自阿得雷克河至印度之奔哲潑。西界裏海之東岸。東界依一草地。經納林河而及加布勒嶺。地約九十萬方里。機窪其都城也。以外大城曰歐沙拉巴。曰烏爾根。曰對爾們。曰加拉大勒。境內除納林河左岸一狹地外。皆平原曠野。中包水澤。土脉肥沃。居民以牲畜爲業。馬稱名種。物產麥稻棉豆。蠶粟麻桑梨杏蘋果櫻桃葡萄。瓜冬居室。夏居穴。游民支帳。遷徙無常。其地先後爲土耳其蒙古所據。而哈薩克布哈爾亦皆來侵擾。最後烏士拜克人據地立國。與俄人爲仇敵。道光十九年。俄兵伐機窪。潰去。同治八年。俄復來伐。遂脅爲屬國。棍都

爲自主之小國在納林河上游之南東界巴達克山西  
界巴勒克北界細沙爾大爾哇東南爲興都哥士加拉  
巴二山境內高山曰昂拜爾都城爲通巴勒克庫勒末  
巴達克山之要路舊境本盡納林河之上游今已爲阿  
富汗所削奪居民盛時四十萬人今存者僅二千餘人

初八日記

細沙爾在勾岡特布哈爾之南東境爲蘇爾阿潑河所  
經境內諸山多巴達克山之分支土脈肥沃本布哈爾  
之一部有富強之名巴達克山在阿母河上游爲圖  
爾齊斯坦極東南之境南接興都哥士山東界哇克山

西界棍都都城曰費乍巴舊稱繁庶今僅四百餘家東  
南八十里有一邑名哲爾末人民近二千頭目居之服  
屬於阿富汗俄羅斯所併回部設爲新省者曰烏拉

勒士克省曰費爾格拉省

一作費爾干省

曰舍彌爾夜貞士克

省曰聶爾大里雅省曰舍彌巴拉丹斯克省曰阿克摩

蘭斯克省曰都爾該省

烏拉勒士克省同治七年始

定爲省北界俄蘭布爾省東界都爾該省南界特郎加

士邊省及裏海西界阿士特拉岡省及沙馬惹省地約

七十萬方里居民五十二萬每歲產馬六十萬匹牛羊

駝稱是

費爾格拉省西南界乍拉福珊省西北界聶

爾大里雅省。東北界舍彌爾夜貞士克省。東南界喀什噶爾。南界巴馬。即帕米爾地約十四萬方里。居民八十萬。爲圖爾齊斯坦著名沃土。內分四部。曰勾岡特。曰馬爾。曰郎。曰阿的占。即安集延曰烏士根。本勾岡特國地。同治三年。俄人得之。始改今名。

初九日記

舍彌爾夜貞士克省。一名七河省。北界舍彌巴拉丹斯克省。西界聶爾大里雅省。費爾格拉省。東南界中國地。約七十餘萬方里。居民八十一萬。東南與中國分界處。依天山爲限。每年出馬百萬匹。牛五十萬。羊六百萬。分

五部曰射爾日悠勒曰勾巴勒曰加拉庫拉曰維尼夜  
曰納林 聶爾大里雅省北界都爾該省阿克摩蘭士  
克省東界舍彌爾夜貞土克省費爾格拉省南界沙馬  
爾岡得省布哈爾西界機窪鹹海地約一百萬方里居  
民一百十四萬會城爲塔什干在諸省中爲最大歲出  
馬四十萬匹牛三十三萬羊三百五十一萬駝二十五  
萬熟田不及百分之一遊民以哈薩克人爲多約七十  
餘萬進出各貨值洋銀四百萬員進貨以塔什干爲總  
匯出貨以加乍蘭士克爲總匯其地爲各族所雜居哈  
薩克人常侵擾俄界俄人乃沿河設防首設礮臺於加

乍蘭士克。又設加爾麻克哲破臺。年年進兵。浩罕之酋  
怒與俄戰。不勝。未幾哈薩克全部服於俄。浩罕愈孤危。  
咸豐十一年。俄得雅危孤爾岡。同治元年。得買爾介。二  
年。得阿烏離夜阿大達爾給斯丹。即圖爾哲末根始設  
巡撫。四年。得塔什干。光緒元年。得乍拉福珊。浩罕遂亡。  
俄改其地爲今名。迄十二年。全有阿母河之境。於是併  
入此省焉。

初十日記

舍彌巴拉丹斯克省。北界兜波來斯克省。東北界兜末  
斯克省及中國。南界舍彌爾夜貞士克省。西界阿克摩

蘭斯克省。會城曰奧潑士斯。其八十萬方里。居民五十  
三萬八十餘人。境內大彌什窪村爲哈薩克人通市之  
地。地分五部。曰巴烏路大爾。曰舍彌巴拉丹斯克。曰勾  
克拜丹斯克。曰烏斯加蒙釋勾斯克。曰加爾加拉蘭斯  
克。阿克摩蘭斯克省。北界兜波來斯克省。東界舍彌  
巴拉丹斯克省。南界聶爾大里雅省。西界都爾該省。其  
一百萬方里。居民四十六萬三千餘人。地分四部。曰阿  
克摩蘭斯克。曰勾克哲大福。曰奧末斯克。曰貝特羅巴  
烏羅烏斯克。都爾該省未詳。

十一日記



阿喇伯爲亞細亞西南之第三土股在赤道北十二度四十分至三十四度五十分西經五十六度至八十四度開國於夏少康之世唐武德五年改名什來生司卽唐書之大食國也是時有國者曰謨罕默德爲回教之祖著書曰可蘭經所謂三十本三千六百段者也其教又分爲二曰阿所大士教曰叶自教阿所大士爲謨罕默德之婦翁曰安拜畢開所傳叶自教爲其子壻愛力所傳謨罕默德死於貞觀六年其徒徧走四方亦能以兵威衛教南涉阿非利加東入亞細亞諸國宣宗時攻歐洲得西班牙地而王之明景泰時得土爾其全境是

爲回教極盛之時。教徒有一萬萬人。

國朝乾隆十五年。有國者曰阿拜得愛爾。俄海俾。嘉慶二十三年。其曾孫曰阿畢代拉。爲敵兵所敗。囚於君士但丁而死。同治十二年。土爾其人來攻。英人不欲土之得阿喇伯也。爲之講和而罷兵。

### 十三日記

阿喇伯四境皆山。在南界者尤高峻。曰哈得爾莫。曰麥臘。曰極貝爾。阿開大。其內地之山曰害射。曰極貝爾。土夜克。曰小昧。近海地皆荒瘠。平原曠野中又多沙磧。南沙漠曰代諾。譯言紅沙。約十餘萬方里。沙中時發大熱。

氣化爲毒風中人則死草木不生水無涓滴代諾之東北曰力得爾代諾譯言稍小之沙又北別爲一沙中分數帶。有沙帶石帶時見水澤居民九百萬文字守可蘭經。歷法與各國異。所謂回回歷也。頗究心於天文算學。化學。俗好張大其教。故他教不易流入。政令不出於上。自主之族。不可以數計。以麥思恰特爲都城。爲摩開特王所居。今稍稍著者。曰奧門蘇丹。曰義海卑蘇丹。曰什末蘇丹。力非足以自存。而爲鄰國所不貪。觀其政令渙散。地土荒蕪。殆無振興之理。

十三日記

比利時在赤道北四十九度五十分至五十一度五十分。京師西一百十一度五十二分至一百十三度九十六分。古爲積潦榛莽之區。羅馬據之。凡四五百年。法蘭西繼有其地。振興商務。白雷士卽伯魯色爾一城。遂爲歐洲南北之總匯。始分郡縣。建城郭。設技藝學堂。旣而法王封其子於此。稱王。旋爲奧國所取。日耳曼又得之。又附於西班牙。順治十六年。仍歸於法。乾隆六十年。拿破侖第一經營比境。以扼東北諸國。定爲東境十三省。內九省。比之全境也。拿破侖敗。維也納之盟。歸各國侵地。比地乃歸荷蘭。仍稱比意巴國。道光十一年。比人逐荷吏。

而自立。迎日耳曼舊族索士果布爲王。稱爲比利時國。同治四年。王卒。子雷悠波勒嗣位。國設上下議院。居民五百八萬七千餘人。鐵路約二千四百里。電綫二萬餘里。進款約歲得洋銀四千五百萬員。出款約四千四百萬員。入浮於出。而國債尤少。各國所罕聞也。

### 十四日記

清明前四日。西洋稱爲耶穌釘死十字架之期。一切事皆停辦。南北亞墨利加相接之狹地。謂之中亞墨利加。其地在探望探潑土頸與巴拿馬土頸之間。闊約七十至三百英里。長較英國屬地約二倍有餘。合英屬國

都拉斯地七千五百六十二英方里計之約爲方十七萬五千八百六十七英里大江曰散助伐湖曰利翁曰尼喀拉瓜多火山爲民患礦產饒金銀銅錚一名白鉛亦產雲石美木棉花戶口二百六十萬西班牙種之白人約得四之一餘皆土人及雜種人土人面深紅壯健有力或云合闕都拉斯戶口二萬七千四百計之中亞墨利加民數有三百五萬三千云地屬西班牙者三百年其時止有危地馬拉一千八百二十一年危地馬拉始自主爲民主聯邦後以戰爭不一聯邦盡散一千八百三十九年各自爲主立民主國五曰危地馬拉曰桑薩爾

瓦多曰閩都拉斯曰尼喀拉瓜包括冒斯奎施曰哥斯德爾黎  
加此外地名孛拉士者即英屬閩都拉斯也

### 十五日記

危地馬拉一國墨西哥之鵠判及搖克坦省在其北閩  
都拉斯與桑薩爾瓦多在其東太平洋在其西南在中  
亞墨利加各國中爲最北北緯自十三度四十分至十  
七度四十分在英京西八十八度十五分至九十二度  
三十分地得四萬六千七百七十四英方里戶口一百  
四十二萬七千有奇分二十二部東西有高山橫亘國  
中多江有水利都城曰新危地馬拉戶口五萬九千已

成鐵路長一百三十二英里。未成者二百二十五英里。電綫二千二百十九英里。國賦歲入約英金七十六萬九千九百鎊。國用歲出七十萬四千二百鎊。國債二百七十萬鎊。出口貨值英金一百一十一萬三千八百鎊。入口貨值八十三萬九千九百鎊。

### 十六日記

桑薩爾瓦多一國。門都拉斯在其北。與東北危地馬拉在其西。太平洋在其南。芳西楷海股在其東。在中亞墨利加各國中爲最小。所沿太平洋岸長一百七十英里。闊處約四十三英里。約有地七千二百二十八英方里。



戶口六十五萬餘人。其地崎嶇而高。與危地馬拉僅判  
惹一江之隔。與尼喀拉瓜亦不過隔芳西楷海股。鐵路  
長五十五英里。大江曰立姆派。歲入款洋銀八百六萬  
餘員。出款八百八萬餘員。國內國債五百五十萬餘員。  
國外國債三十萬員。哥斯德爾黎加一作考斯在中  
亞墨利加爲最南。自北緯八度十七分至十一度十分。  
經度英京西八十二度三十分至八十五度四十五分。  
地得二萬三千英方里。戶口二十一萬三千餘人。國分  
五省。民主四年一舉。盛行天主教。都城曰桑若塞。鐵路  
自大西洋岸至都城。長一百十八英里。歲入之款。英金

六十一萬二千餘鎊。出款五十九萬七千餘鎊。國債二百萬鎊。

十七日記

情話悅親朋。莫談邑中獄訟錢糧事。交遊擇賢俊。願識天下學問經濟人。余自海外將歸。先寄此聯懸之於門。清明前一日。西人稱爲耶穌已死復蘇之期。一切事皆停辦。閩都拉斯一國。加勒海與閩都拉斯海股在其北。危地馬拉在其西。桑薩爾瓦多與芳西楷海股在其西南。尼喀拉瓜在其東南。在中亞墨利加之中。北緯自十三度十分至十六度。倫敦西八十三度十分至八

十八度四十分地得四萬二千六百五十八英方里並有冒司奎拖地之一小分及閩都拉斯海灣中之盤島戶口四十三萬一千九百餘人海岸長四百英里其大口曰脫勒克齊羅曰坡歐拖考探士曰亞麻曰羅坦曰拉西排至太平洋一面海岸僅四十英里大口曰阿瞞判拉鐵路僅有三十七英里半將漸推廣以聯太平大西兩洋之岸都城曰哥麻牙瓜歲入之款英金四十三萬一千鎊出款四十二萬七千餘鎊國內國債二十二萬七千餘鎊國外無息之債五百九十八萬五千餘鎊英屬之閩都拉斯北與西北皆界墨西哥之搖克坦

省南與西南皆與危地馬拉爲界。東至海。地得九千英方里。戶口二萬四千有奇。都會曰孛拉士。在孛拉士江上。亦爲通商聚會之處。

十八日記

尼喀拉瓜一國。開都拉斯在其北。太平洋在其西。哥斯德爾黎加在其南。加勒海在其東。在中亞墨利加爲最大。所沿大西洋與太平洋兩岸皆長。北緯自十度四十五分至十五度。在倫敦西八十三度四十分至八十七度三十八分。其地合冒司奎拖之一地計之。得五萬一千六百英方里。戶口三十一萬。其雜種人約四之三。餘

爲土人及西班牙人冒司奎拖人土極肥沃而農事未  
備都城曰麥那瓜舊都曰良戶口六萬大海曰散助伐  
又名極來湯鐵路長九十三英里電綫一千五百九十  
一英里與墨西哥秘魯大海電綫通溝通太平大西兩  
洋之河已成自有此河其國可興利益甚大歲入之款  
英金三十萬六千六百餘鎊出款四十二萬五千七百  
餘鎊國內國債英金二十九萬六千六百餘鎊國外六釐息  
之洋債二十八萬五千鎊 冒司奎拖地在加勒海濱  
其土人亦稱自主然其地大半屬於尼喀拉瓜其大城  
曰亨羅非爾

十九日記

柔佛國在巫來由土股極南。北界彭亨。南界薩賴。當博

羅海峽。

亦名舊峽。

過此峽。卽爲新嘉坡島。明正德七年。有麻

六甲蘇丹名煞者。被葡萄牙人所逐。至此建城。名曰柔

佛。因爲國號焉。城距海岸三十二啟羅邁當。中跨大河。

在新嘉坡東北五十六啟羅邁當。柔佛居民十一萬五

千人。內有華民七萬五千人。巫來由四萬人。柔佛王今

居蘭嘎。

南臨老港。卽舊峽也。

已歸英國保護矣。彭亨者。巫來由

自主之國也。在東南海岸。赤道北二度四十分至四度

五十分。京師西十二度五十七分至二十四度零七分。

北界丁噶奴吉蘭丹。南界柔佛。西北界白蠟。西界石蘭莪。尼格利桑比郎。長一百五十啟羅邁當。其有二萬五千九百啟羅邁當方里。彭亨江流貫其中。入於中國海。居民五萬人。華民不過二三百人。皆作礦工。彭亨諸部落。其酋皆得自主。不相統轄。其會城曰貝幾。在彭亨江口。回王居焉。頗受英國節制。又有一王尙認暹羅爲上國。歲有金花銀瓶之貢。

二十日記

白蠟在巫來由土股西海岸。赤道北五度五十分至三度四十五分。巴黎東九十八度二分至九十九度二十

分北界吉德大呢東界吉蘭丹彭亨南界石蘭莪西界  
麻六甲海峽及英屬威利司雷丹定斯兩省長二百二  
十五啟羅邁當寬一百五十啟羅邁當共有二萬零七  
百二十啟羅邁當方里居民二十一萬四千餘人內有  
華民九萬四千餘人而西人祇六百餘會城曰挂拉岡  
煞白蠟江至此城其流始大此江亦名松蓋白臘白臘  
譯言銀松蓋譯言江也其地有佳礦以錫爲大宗進口  
貨歲值洋銀八百萬員出口貨值一千三百萬員亦以  
錫爲大宗白蠟本蘇丹自主之國昔有拉魯總督蒙得  
利者監查礦政所有蘇丹稅餉皆歸經理漸招華人開



礦已立一城曰太平。礦工漸多。屢有爭戰。拉魯總督不能制。蘇丹不得已。求英國總督相助。英船既到。海岸肅清。英亦派大酋駐其國。彈壓華人。蘇丹割瀕海丹定一地及邦哥爾島。酬謝英國。英兵始退。然巫來由人與英駐紮大臣不和。光緒元年刺殺之。英督大怒。派兵遷蘇丹與其大臣於印度洋之荒島。拉魯總督蒙得利亦與焉。英人遂立阿拉渣摩德。由素夫爲攝政。蘇丹歸英保護。光緒十三年。阿拉渣意得利士繼之。國中政事悉歸海門總督管理。設立議事院。以蘇丹爲首。而英駐紮大臣監之。申刻遣馬格里赴外部。與山特生貝雷議滇

事稍有就緒。

二十一日記

酉刻復遣馬格里赴外部與山特生言野人山事。石

蘭莪

卽地理備考之北刺克  
瀛環志略之沙刺我

英國保護部落也在巫來

由土股西南海岸北界白蠟南界松蓋芙蓉東界彭亨

西瀕麻六甲海峽自赤道北二度四十五分至三度五

十八分倫敦東一百度四十二分至一百一度五十六

分地二千九百畝羅巡當方里昔係土番事蹟荒略其

酋稱蘇丹奉回教性狠嗜戰同治六年吉德蘇丹之弟

爲石酋女婿總庶政國人不服石酋之孫興兵來攻連

戰不息十二年。華人爲礦丁者。助酋孫逐酋婿。彭亨蘇丹借英兵來平亂。遂歸英國保護。遣官駐紮。雖至今尙有蘇丹。僅擁虛位。爲議院之長而已。一切聽命於海門總督。居民九萬七千有奇。內華民七萬三千有奇。巫來由人二萬一千有奇。西人百五十餘而已。所出之錫。歲值法銀約二千九百萬方。巫來由海崎平原之地。東以彭亨爲大。西以石蘭莪爲大。中亘大嶺以爲之界。地分六府。挂拉郎布者。石蘭莪之會城也。在赤道北三度十分。倫敦東一百零一度四十九分。其海口要埠曰吉瓏。在赤道北三度三分。巴黎東九十九度九分。此地自歸

英保護以後。礦政商務蒸蒸日上矣。去年上海湖絲銷路頗有起色。由滬出口者約五萬包。蕪湖米市亦甚起色。出口者約三百萬石。運粵者十之八九。

### 二十二日記

松蓋芙蓉亦英國保護部落也。在巫來由土股西南海岸。壤地褊小。西北界石蘭莪。東南界麻六甲。東界拿吉里士美郎。即尼格利桑比郎。西瀕麻六甲海峽。自赤道北二度二十四分至五十四分。巴黎東九十度二十分至四十四分。地得一千七百啟羅邁當方里。本尼格利桑比郎九部落之一。因與鄰部阿倫波爭蘭惹河道。輒有戰事。

英人爲之定界通路。同治十三年。遂自立爲國。歸英保護。由海門總督遣官駐紮。經理錫礦諸事。光緒十一年。復以遮爾布部益之。有議院。蘇丹爲首領。英官副之。居民二萬五千有奇。內華人一萬八千。餘皆巫來由人。出口貨。歲值法銀四百二十二萬七千方。錫居四分之三。進口貨。值三百五十九萬七千餘方。鴉片居六分之一。瀕海之地。有五十畝。羅邁當。蘭惹河中。貫全境。自北而南。入麻六甲海峽上游。山中礦場。大開。會城曰賽郎邦。在新嘉坡西北二百五十五畝。羅邁當。

二十三日記

新嘉坡。番言獅子城也。或作息辣。或作息力。又作實得力。爲英國海門屬部之都會。海門總督駐焉。巫來由土股極南之島。與柔佛隔薩賴當博羅海峽。通島地方五百三十四度。羅邁當自赤道北一度十五分十二秒至一度二十八分三十四秒。巴黎東一百零一度十七分至一百零一度四十分。宋紹興二十年。巫來由王始築城建國於此。附近各酋及印度洋各島皆屬焉。及麻六甲始盛而新嘉坡遂衰。

國朝嘉慶二十三年。英印度公司始至其地。道光四年。乃購此島於柔佛王。價洋銀六萬員。每年復償租費二

千四百員。維時英方歸爪哇諸島於荷蘭。得此兵政商務足與荷蘭相敵。且駕爪哇之上矣。英始豎旗此島。居民僅二百人。期年乃至一萬。今戶口十八萬四千有奇。而華人得十二萬二千。西人五千二百有奇。進口貨歲值洋銀一萬零八百十一萬二千餘員。出口貨值八千七百十四萬三千餘員。

二十四日記

西四月初四日。法總統諭首相兼內部大臣李寶告退。以下議院議員狄畢衣杜一譯作杜布義充補。刑部大臣布爾實告退。以上議院議員蓋蘭哥林充補。外部大臣德維勒

留任。戶部大臣狄拉告退。以下議院議員白特拉勒一作

貝特貝特充補。兵部大臣提督婁繼洋一作陸留任。海部大

臣水師提督越尼葉一作略留任。學部一作教部大臣狄畢

衣告退。以下議院議員班加雷一作班充補。工部大臣

魏葉特留任。一作德商部大臣西弗利葉告退。以下議院

議員德利葉一作禮業戴一作戴充補。農部大臣魏實一作威留任。

西四月朔。法兵攻湄江東岸之敦騰城。一作隆特隆城。

暹羅不敢與戰。遵即退出。法人又欲進收湄江中間之

大島曰空地者。一作譯作因其在三水會流處。以形勢外

治商務而論。均為第一要地也。近來法人議論欲盡逐



湄江以東遲兵然後劃江爲界以張法國聲勢半月以前法上議院首領茹勒斐禮病死斐禮者首先建議攻取越南與中國構釁者也數年之間用餉二萬萬兩約合十二萬萬佛郎亡兵三萬法人至今怨之廢退已數年矣近以巴拿馬河工一案法官沾染者甚多斐禮獨無可議法人服其正派復舉爲上議院首領未及十日暴病而死

二十五日記

檳榔嶼

英文譯音碧瀾

一名布路檳榔布路譯言島近又稱勃

蘭斯特嘎勒島勃蘭斯譯言王嘎勒今英太子名也在

赤道北五度十五分至三十分。巴黎東九十七度五十二分至九十八度十一分。其地共有二百七十八啟羅邁當方里。爲英海門屬部之一。此島初稱吉德國。乾隆五十年。英有甲必丹利斯者。娶吉德王女。因以島爲贈。遂歸入英印度屬部。其會城曰打尙。巫來由人居之。海岸之城曰柔爾。日敦各國之人貿易於此。皆在島之東北。西面多山。此島天氣既佳。土脉尤肥。蓋勝於新嘉坡。白山下觀之。皆係檳榔樹云。一千八百七十一年。華民有四萬五千餘人。約得全島居民之半。泰西人有六百。此島與威利司雷省隔一海峽。自南至北。長二十五啟

羅邁當北面寬三啟羅邁當中間約十一啟羅邁當水深十拓至十二拓合十八邁至二十邁

二十六日記

申刻赴外部晤勞斯伯里理論野人山地事麻六甲即明史滿刺加國也爲巫來由土股最古之國在西海岸舊屬暹羅宋德祐元年其酋自立爲國明正德六年爲葡萄牙人所據崇禎十四年荷蘭奪之失而復得國朝道光四年讓與英國英人以蘇門答臘之萬古累易之英人攷求東方之事實自麻六甲始今爲海門屬部之一合尼格利柔比郎之那甯爲一地計有一千六

百五十七啟羅邁當方里。居民九萬三千五百餘人。北有蘭嘎河。與松蓋芙蓉爲界。南有幾桑河。與尼格利桑比耶之茅國爲界。東有阿非爾阿倫邦太平諸山。與尼格利桑比耶合眾國爲界。城瀕海岸。傍海峽。在赤道北二度十一分二十四秒。巴黎東九十九度五十四分三十六秒。城中居民二萬人。自英開檳榔嶼。新嘉坡兩埠。麻六甲商務遂衰。然交易糧食。猶極繁盛。光緒六年。進口貨值二千零三十萬餘佛郎。出口貨值一千九百二十六萬餘佛郎。麻六甲自赤道北五度起。至一度新嘉坡止。西北向東南。共長七百七十八啟羅邁當。

二十八日記

威利司雷省在巫來由土股西海岸。昔爲白蠟地。介于吉德白蠟之間。與檳榔嶼隔一海峽。英海門屬部之一。共有六百七十八法方里。地無城垣。居民九萬七千九百餘人。有華人。印度人。巫來由各種。丹定斯羣島亦海門屬部之一。在赤道北四度二十分。倫敦東一百度三十五分。近傍巫來由土股西海岸。麻六甲海峽之內。北距檳榔嶼一百啟羅邁當。其大島曰布路丹定。布路譯言島也。正對白蠟之拉魯江口入海處。故稍割白蠟瀕海地以益之。其小島曰桑比郎。曰遮拉。科科斯羣

島亦名啟令。在印度洋徧東巽他海峽口西南一千啟  
羅邁當。自赤道南十一度四十九分至十二度十二分  
三十秒。巴黎東九十四度三十五分。總凡二十三島。地  
面二十二啟羅邁當方里。明萬曆三十七年。英人啟令  
尋地得此。見島中大半椰樹。故以科科斯名之。科科亦  
譯言椰道光三年。英國哈爾始居於極南島中。八年。蘇  
格蘭人阿羅斯率眾自爪哇島來。造屋招工。商務漸興。  
今有居民四百戶。皆南洋土番。光緒四年。遙隸錫蘭。十  
一年。改隸海門。蓋壤地雖不相接。而勢實聯絡也。

尼格里桑比郎譯言合眾九國也在土股西南昔以九部合爲一國今則祇有五國曰繞阿或曰爪亞曰泗里忙打尼曰宗波爾曰質賴或曰遮利曰烏魯茅或曰對拉宣又曰賽雙麻爲一國其餘四國曰那爾今併入英屬麻六甲曰芙蓉曰遮爾布曰阿郎波皆歸英屬保護今合眾五國北界彭亨東界柔佛南界海峽及麻六甲之那爾西界英屬之阿郎波芙蓉石蘭莪其地約有五千一百八十啟羅邁當方里居民三萬人五國各有一酋治理其事稱爲打都邦古路而條例不同亦有議院其總攝五國者爲泗里忙打尼之首當光緒八年英人用兵據泗

里忙打尼而芙蓉遂分出歸英保護未幾而阿郎波遮爾布亦屬焉近來五國有事皆由英海門總督派員辦理已立約章其國東南有阿斐爾山坡谷之地尤爲肥沃產米極多果木亦盛

三月癸未朔記

大呢暹羅屬國也在赤道北五度三十分至七度北京西十四度二十七分至十五度四十七分北界宋卡西界吉德南界白蠟吉蘭丹東界暹羅海灣地有一萬二千九百五十啟羅邁當方里居民三萬人昔係麻六甲最大之國道光十二年暹羅旣勝大呢恐其控制不易



分裂其地爲九部。守以番酋。而總其事於暹羅所派之  
王。曰都寄。曰大呢。曰制令。曰煞伊。其在內地者。曰諦巴。  
曰丹奈。曰遮羅。曰阿勒忙。曰利漢。以阿勒忙地方爲最  
大。以大呢居民爲最多。尙佛教。大率畜象及水牛。地多  
礦產。開礦者皆華人。吉蘭丹。暹羅屬國也。在巫來由  
東海岸。東南距丁噶奴一百五十啟羅邁。當居民六萬  
五千。中有華人一萬五千。餘皆巫來由人。丁噶奴。暹  
羅屬國也。在東海岸。北界吉蘭丹。南界彭亨。王宮如礮  
臺。牆有礮洞。裝古銅礮。華民房屋整齊。巫來由人以板  
爲屋。其陋已甚。

初二日記

六崑暹羅屬國也。暹人稱爲蒙六崑。蒙者譯言王也。謂六崑王所治地也。在赤道北七度至九度。長二百啟羅邁當。其城東北距曼谷六百四十啟羅邁當。在赤道北八度二十五分。明成化間。暹羅王始立六崑爲國。今分兩部。一曰打倫。一曰宋卡。居民共十五萬人。多暹羅種。間有華種。巫來由種。野番種。吉德暹羅屬國也。在赤道北五度至七度。北界六崑。南界白蟻。東界吉蘭丹。大呢。西界英屬威利斯雷省及孟加拉海灣。地分一百零五社。居民六萬。皆暹羅及巫來由種。其會城在西海岸。

南距檳榔嶼之柔爾日敦城一百九十啟羅邁當錫礦極多惟金較少。以上巫來由諸地凡爲暹羅屬國者五。又昔稱自主今爲英附庸之國三。彭亨柔佛尼格里柔比郎是也。歸英保護之國三。白蠟石蘭莪松蓋芙蓉是也。其餘則皆爲英屬地矣。蓋附庸猶不失爲半主之國。歸英保護則權已八九在英。再降必爲屬地。

初三日記

英國鐵路長共一萬六千四百餘英里。每里造費英金三萬七千一百十八鎊。歲得利息以成本約之爲四分四釐九毫。德國鐵路共一萬四千七十七英里。每里造

費英金一萬八千二百三十三鎊。歲息以成本約之爲六分六釐。法國鐵路共一萬一千五十英里。每里造費英金三萬七百四十六鎊。歲息約七分七釐四毫。瑞典鐵路長六百九十五英里。每里造費英金四萬五千六百七十八鎊。歲息官路三分三釐。商路六分三釐。俄國鐵路共四千七百英里。每里造費英金二萬一千八百四十六鎊。不知歲息若干。奧國鐵路共九千九百一英里。每里造費英金二萬五百十二鎊。歲息六釐。奧之南意之北另有奧公司鐵路共二千六百餘英里。意國鐵路共有四千二百英里。西班牙有五百二十五英里。葡

荷牙有三百十五英里。比利時有一千九百餘英里。每  
里造費英金一萬三千二百八十一鎊。此外各小國共  
得鐵路五萬九千三百餘英里。以上統歐羅巴一洲計  
之也。又美國鐵路共七萬一千五百餘英里。每里造費  
英金一萬一千三百十四鎊。歲息約六分一釐。又亞洲  
英屬地之印度等處鐵路共六千三百餘英里。美洲英  
屬地鐵路共四千四十九英里。英屬之澳大利亞鐵路  
共一千六百餘英里。阿洲英屬地鐵路共一百三十三  
英里。

初四日記

西人運機器之物不外水火而以水運機如桔槔也水碓也則中國早行之矣今福建安徽四川等省多用水舂水磨昔人詩所謂雲碓無人水自舂也凡造紙者以水舂碎其竹神速無比若用人工則價且十倍以水運磨研粉與西人機器之磨無異舂米者亦然日本之以水運機者頗多用以造紙織布繅絲軋花並用以製造各種軍械雖融化五金不得不藉火力此外則全恃水力矣凡言機器者皆曰汽機汽者水之氣也近來運機之水不用人力增減其水蒸久而爲汽則放出之既而仍入於水鍋可以循環無窮誠善法也中國內地山谿

之水機如再能別求新法廣用水力其所以運機者較用火力省費奚啻倍蓰或派人至東西洋攷求運用水機與蓄水取勢之法以天地自然之工與天地自然之利豈非厚民生之一助哉

初五日記

議者或云中國茶葉銷數俄居其七英居其二各國居其一攷去年中國紅茶售於英者祇五千二百五十萬磅比之一千八百八十年售英一萬六千九百萬磅之數減至一萬一千六百五十萬磅之多是十二年間統扯每年少售一千三百萬磅矣若仍照此數逐年遞減

四年之後中國紅茶之售於英者從此絕矣推其病源西人皆曰在稅釐過重紅茶每擔出口納稅關平銀二兩五錢釐金又二兩二錢五分合計約規銀五兩紅茶售價連稅釐在內交到通商口岸每擔二十兩是每擔抽稅釐四分之一矣平常茶葉每擔售價約十一兩是每擔抽稅釐十一分之五矣按江甯天津和約註明茶葉每擔按價抽稅五釐照彼時茶價固應抽二兩五錢照今日茶價祇應抽七錢半而已查天津和約第二十七款本可更定稅則故西商頗尤各國公使之不能乘時駁論云



初六日記

光緒十三年總理衙門咨詢各國公使以整頓茶葉何者爲先各使皆舉減稅答之總稅務司赫德亦稟總署稱中國當先計民生而後籌稅餉自應減稅以衛茶業次年秋間忽又稟稱茶葉出口稅釐即使減少亦恐無益於事總署本無減稅釐之意於是遂作罷論或又謂使英國不銷華茶他國尙有銷路此殆不然查澳大利亞洲於光緒六年購華茶二千一百萬磅去歲僅購一千四百萬磅蓋因印茶價廉改用印茶故也北美洲去歲銷中國紅茶三千一百萬磅較之光緒六年約增七

百萬磅紅茶售於俄者去歲有二千五百萬磅較之光緒六年約增一千萬磅所以然者因兩國喜用紅茶者日眾又無印茶與之爭市也至中國綠茶之售於北美洲者因日本輕稅綠茶每擔僅稅一員以與華茶抗衡去歲中國綠茶銷數有一千五百七十五萬磅較之光緒六年之銷一千九百五十萬磅約減四百餘萬磅日茶則光緒六年曾銷三千九百五十萬磅去年漲至四千七百萬磅十二年間驟添七百萬磅矣可知華茶銷英爲最除英之外餘不足論也

初七日記

客秋奧國設一萬國五穀賽會。集有名農師。籌商各種養民之法。有奧農師開報五穀之數。據云本歲印度所收糧食。計五百四十四萬噸。美國所出麥。計五百二十兆斗。玉米卽珍珠米。又稱包粟。計一萬七千二百石。大麥二百九十萬石。埃及出口麥。計九百五十萬石。丹國於同治六年。將公司所築之大鐵路。購爲國路。迄今二十五年之久。籌款添築新路。較前約多六七倍。進項則多至十八倍。

初八日記

德國向有氣球會。德皇以銀五萬鎊。士賓之約。合英金

二千鎊。德皇所以頒此重賞者，其意欲令創製一大球，高如四層之屋，徑廣五十六西尺，球內可藏炭氣二千五百三十立方蔑打。其製球之物，則以埃及國棉料織成之。竣工之日，駕之上昇，約高至三萬三千尺。若駕以周遊地球，一年之內可行五十次。未知能通觀厥成否也。中國蓋達之昔馬，暨滇邊外野人山地之昔馬，到大金沙江邊各三十二英里。野人山地之昔董大寨，到大金沙江邊三十一英里。滇邊之昔董壩子到江邊四十英里。兩昔董中隔一大山，相去十九英里。昔董大寨距滇邊尚有十一英里。蓋達在中國昔馬東十五英里。

到大金沙江邊四十七英里。盡西到江邊五十英里。古  
勇到江邊五十三英里。

初九日記

未刻率張聽鳳赴森哲模斯宮朝紳會。古人字書之  
字急讀爲一音。緩讀輒爲二三音。如句吳於越。實止吳  
越二字。自魯人效其音。乃覺吳有句字發聲。越有於字  
發聲也。邾婁實止邾字。自魯人聽邾音。乃覺有婁字收  
聲也。中國聽洋音亦然。如肥譯爲甫。意之音育。譯爲尤  
何之音。猶中國讀蕭字。得西廬烏三音也。西洋艾約瑟  
方言得形新法。引說文生於心有節於外。謂之音。心繫

於肺。肺爲氣海。氣由肺發。上達氣喉。氣喉乃歧爲口鼻二路。但氣過處未能自成爲聲。必因所過各位有阻礙壓力。與氣相乘。始成各聲。喉中節氣得聲處。狀如箱。名氣喉。出聲源爲第一位。其上口狀如舌向後指。名會厭。爲第二位。乃氣喉之蓋。俗呼對嘴者也。對嘴前卽爲口。其相隔爲界者。名吊鐘。爲第三位。吊鐘上卽鼻底孔。爲第四位。氣過此三位。皆能舒縮開閉成聲。又氣由喉出。上衝口及嚀。其相軋處。名舌背。爲第五位。又進而舌前。爲第六位。又進而舌尖。爲第七位。舌尖或抵上嚀之前。或伏下牙牀。或在上下齒中間邊際。移前移後。各成其

聲又進而唇被氣觸亦常成聲爲第八位其圖所列之字以挨唉根榦阿發孫松爲舌背音以歌更兒爲舌前舌背合音以衣臨這瞞雨捐爲舌前音則與中國字母切韻要法不謀而合

初十日記

中美洲與南美洲之接壤

西人謂之土頸

曰巴拿馬者

又名可談林

倫比亞屬部之一也南北約長二百英里東西闊之中數四十英里最狹處不及三十英里有四省地曰巴拿馬曰阿助歐羅曰洋辣古阿曰克利奎咸豐五年新加拉那大

即今之倫比亞

議院定以巴拿馬爲民主新邦而兼

有此四省得地三萬一千八百九十英方里戶口約二十四萬以耕牧爲首務地土肥沃間隔大西太平二洋爲二洋轉運之所必經有鐵路四十七英里以接於二洋光緒五年議開一河溝通大西太平二洋以法人賴賽樸斯主其事越二年河始動工光緒十五年以費絀而止所開土石有四千八百四十萬立方適當未開者尙有三千萬立方適當是河議定長四十六英里有奇深二十五英尺河底闊七十二英尺河面闊一百二十四英尺統核經費用在巴拿馬者有英金三千一百三十三萬九百三十七鎊用在巴黎者一千五百六十二



萬八千餘鎊。所購巴拿馬鐵路股分有英金三百七十  
三萬餘鎊。用白鴿票法以集銀。計用英金一百二十九  
萬餘鎊。另酬於可倫比亞者九萬八千二百餘鎊。其用  
過五千二百七萬八千餘鎊。欲成是河。尚需三千萬鎊。  
法國遣人查攷。弊竇叢生。不可究詰。尙未知工成在何  
日也。

十一日記

申刻。率馬精臣赴外部。晤勞俾伯里。理論滇緬分界事。  
奧地利亞於同治五年改稱奧斯馬加。厥地起赤道  
北緯四十二度六分至六十度四分。京師西經八十六

度五十四分

倫敦格林威治天文臺東二十九度三十五分

至一百零六度五

十八分

倫敦東九度三十一分

東界俄羅斯及羅馬尼亞南臨亞

得亞海與意大利西控瑞士北扼日耳曼地屬奧地利

亞者十一部屬匈牙利者四部又波蘭一部新得土耳

其屬二部其積二十六萬四千二百三十四英方里民

數四千二百七十六萬二千八百餘人古時爲勒西亞

諾力加巴訥尼亞等國羅馬征服後爲北狄所據晉安

帝時匈牙利國甚彊略歐洲之東方唐代宗時法蘭西

強盛侵得奧地兩部法中衰後轄於日耳曼南宋乾道

元年日耳曼列邦其主弗勒得力第一升兩部地爲公

國以上公顯理約索美鄂領之始都維也納嗣公勒巴爾第五拓士的里亞地日主弗勒得力又拓加里瓦拉地

十二日記

宋咸淳九年奧地利亞之哈弗斯堡侯羅爾得福剛明負權略眾推爲日耳曼之其主得格零地亞並弗羅理地不威迷亞的羅爾亦內附奧於是始大是爲哈弗斯堡朝厥後主日耳曼者多出王裔王卒三傳至亞爾伯勒第五仍爲奧公娶不威迷亞王女遂得不威迷亞幅員益大數傳至弗勒得力第三雄武有大略思由婚媾

以昌其國。與不爾艮侯婚。得荷蘭比利時二國爲子。腓立娶西班牙王女。其孫查理遂兼王西班牙。王旣王三國。迺命其弟腓地難多王奧地利亞。其弟又娶匈牙利國之女主奧遂合卺爲一國。匈牙利卽馬加也。并得摩拉維亞。細勒西雅。勞塞帖亞等地。王乃遠交近攻。聯英以擊法。虜其王而質其子。遂得不爾艮。拿破里。米蘭。發蘭得斯諸地。明嘉靖六年。英法合兵來攻。拔米蘭。王禦之。復米蘭。屠羅馬。與英法和。以不爾艮歸法。教王乞和。加王意大里王之冕。會土耳其侵匈牙利。七山總督約翰引土兵入寇。圍維也納。查理禦卻之。又合英兵迫巴

黎與法人議和嘉靖三十五年王查理讓位於弟腓地難多第一遊西班牙而卒

十三日記

腓地難多第一既立爲政公溥國乃大和傳數世萬歷四十六年士的里亞公腓地難多第二立窮治新教被逐者二萬家噠英蘇三國來攻王遣將敗之法基奧日強盛合瑞典王來伐瑞王戰死奧軍亦挫王卒腓地難多第三由匈牙利入卽位厭兵罷戰割地賂瑞法以和計不威迷亞一部削地十之八失民二百萬子里泊德嗣與土耳其法蘭西累歲構兵久而未已

國胡康熙四十一年。日耳曼各部皆自主其國。奧與普魯士雄踞南北。自帝境內。迤西三十六部則稱日耳曼列邦。四十九年。查理第六爲日耳曼其主。得西班牙屬土米蘭。薩爾的尼。拿波里。血戰十一年。至此乃息。時有地三十五萬五千英方里。雍正十三年。法蘭西西西班牙薩爾的尼亞三國來伐。以羅內賂法。多多納與薩。拿波里。倫巴爾多與西。乾隆三十八年。奧師會俄人普人入波蘭。初分其地。乾隆末年。法王拿破侖率師伐奧。遵亞爾伯山而東。所向披靡。奧屬土之在意大里者。皆淪於法。遂逼維也納。割埃奧尼諸島。及下國荷蘭與法。割米

蘭曼士亞倫巴爾多爲西撒賓共和之政法乃罷兵嘉  
慶五年拿破侖又大舉侵奧奧王再與議和乃罷十一  
年英俄瑞來約伐法拿破侖先發制之猝圍奧京王懼  
而求和割威內薩與意割的羅爾與巴威也拉割蘇亞  
維亞與巴爾敦巴耳於是兩國合口耳曼中部以南十  
四州曰萊尼聯邦撒遜等國亦附焉日耳曼千六百萬  
人皆爲法轄王自王其國日耳曼其主之名垂一千年  
至此遂亡

### 十四日記

嘉慶十四年奧王佛朗士斯第二欲修怨於法使皇族

查理及約翰將兵三十萬分道嚮法大敗而還維也納陷王出走再戰再敗乃割壹黎里與法和又割撒爾斯堡等地與巴威也拉分加里細亞與俄及撒遜次年拿破侖來逆王女馬利爲后嘉慶十八年拿破侖蹶於墨斯科王以婚姻之故居中排解法王不聽王患合縱入巴黎明年再流拿破侖各國大會於巴黎各返舊地奧盡復壹黎里亞撒爾斯堡的羅爾東加里細亞及上意大里波江之北倫巴爾多威尼西亞奴兩部以普奧噠荷合日耳曼稱同盟四十邦奧爲盟主王於是爲鄰邦弭讐息爭若拿破里西班牙希臘土耳其皆次第平其



難道光十五年王卒子腓地難多第六立二十七年國  
亂不威迷亞上意大里匈牙利皆叛王遜位於姪卽今  
王佛朗士斯約瑟福第一也乞援於俄大興師伐匈平  
之初倫巴爾多威尼西亞奴兩部久屬於奧苦奧苛政  
會城米蘭威內薩人揭竿逐守吏薩爾的尼亞亦叛薩  
王以女嫁法謂法人曰若得大國援以倫威兩部歸薩  
請獻乃斯撒歪二地法許之合兵入米蘭王自將禦之  
敗績遂失倫巴爾多一部咸豐十一年薩人敗國號曰  
意大里云

十九日記

奧王佛朗士斯約瑟福自迭經失地之後。乃盡心謀國。開上下議院以通民志。普魯斯偵王之有爲也。陰約意人觀釁而動。同治三年。奧師會普師攻丹馬。丹人獻勞英不爾厄。荷爾斯德音。石勒蘇益克三部於奧。以和。普爭之。不得。遂有違言。同治五年。普意連兵攻奧。普兵三十八萬。大礮八百尊。入奧境。意兵二十五萬。自不威迷亞入。奧合撒遜兵禦之。普新製針礮。猛迅。奧軍不支。遂大潰。奧京戒嚴。法人出爲勸和。盡割新得丹地與普。并償兵費合英金二百萬鎊。不得列日耳曼盟會。割威尼西亞奴全部與意。同時奧國水師有力。撒港之捷。意之

軍艦大挫焉。然業許意以割地。不能毀約也。王乃輯和邦內。以禦外侮。以奧與匈並立。改國號曰奧斯馬加。王兼王馬加。明年至匈都。行卽位禮。民大和會。積憾胥捐。同治六年。始與中國立約通商。十二年。開博覽會於維也納。始廢教王權利。民教由此相安。光緒四年。與日耳曼立約。取斯必街地十三英方里。又以波斯尼亞及亞刺萬兩地。永隸奧屬。以斯賴竭佛爲兩地會城。又有琛及克一城。逼近土耳其。最爲首衝。奧駐兵於此。以振武備云。

二十日記

奧地利亞通國教民天主教居百之七十九希臘教居  
百之十一餘皆他教匈牙利通國教民天主教居百之  
五十耶穌教居百之二十餘皆他教奧匈兩國歲入之  
款六萬零九百五十七萬餘福鹿林奧銀之名每一福鹿林約值英銀兩  
仙歲出之款六萬零八百六十八萬餘福鹿林國債四  
萬一千一百九十九萬餘福鹿林常備之兵三十二萬  
有奇臨戰豫備之兵一百七十五萬有奇頭等鐵甲船  
二次鐵甲船九又次鐵甲船十五餘皆木輪商輪一百  
七十五隻鐵路官商各半計二萬七千結羅米特以英里計  
爲八分之五每一結羅米特約半英里有奇英里名邁爾合一萬七千一百九十八

英里。電綫九萬三千五百十五英里。奧地利亞屬地分部十一。曰下奧地利亞。曰上奧地利亞。曰士的里亞。曰格零地亞。曰加利瓦拉。曰的羅爾并伏拉爾堡。曰撒爾斯堡。曰壹黎里亞。曰不威迷亞。曰摩拉維亞。曰細勒西亞。匈牙利屬地分部五。曰匈牙利。曰達郎西里瓦尼亞。曰哥羅瓦西亞。曰斯加拉窩尼亞。曰達爾馬西亞。波蘭故地列部一。曰加里細亞。附部一。曰布哥維納。新得土耳其地分部二。曰波斯尼亞。曰亞刺萬。即日薩壹爾

二十一日記

奧國岡嶺四合。隱如大環。域內形勢。約分兩戒。南戒阿

耳魄士山。山爲歐洲之望。奧獨占形勝。自瑞士國入界。隨地命名。約分爲五。曰爾棟嶺山。頂積冰雪。曰諾立克山。鐵軌由維也納至格雷時。穴賽懋林派斯山。徑穿山洞。飛橋懸崖。至爲幽險。曰克尼克山。曰巨凌山。頗擅名勝。曰滌納列克山。表延哥羅達爾兩部。北戒大山。二一爲漢斯納山。環不威迷亞全境。周三萬二千英里。一爲卡批提安山。起多惱河北岸。迤東而南。包匈牙利全境。復包達郎西里瓦尼亞。界羅馬尼亞。折而西。復分爲三。曰匈牙利之卡批提安。哈意倫刺山。縣延匈牙利加里細亞二部之間。曰達郎西里哈意倫刺山。表延全省。約

三萬九千英方里。曰卡丕宣恩華爾竭嶠山。介上兩大山之間。此奧國諸山大較也。

## 二十二日記

奧境諸水多惱河爲大。河夾阿耳魄士蒲爾耕並卡批提安山。歷年開鑿輪舟暢行。此河發源日耳曼之巴敦。東流經巴威也拉。即拜晏始入奧土地利亞。有來因河自瑞士經的羅爾南來會之。復東流脫淪水合諸湖南來會之。至下奧地利亞。愛恩斯水南來會之。又萊賽水南來會之。入匈牙利界。瑪克河自北來會之。東南流爾拉。勃河合勃淪洵河自西來會。懷格格浪兩水由北來會。

折而南行。至斯加拉部。特拉法河合母阿河。自西來會。東南流。梯索河自北來會。再東南與塞爾斐亞國分界。撒窩河自西來會。錢美士水自北來會。復東南流。經羅馬尼亞國入黑海。蓋多憐河貫歐之中原。俄土羅馬尼亞諸國商船輸運。皆上溯奧及日耳曼諸邦。順流泛海。焉。全河長千七百七十英里。奧得其八百四十六英里。乘方得三十一萬英里。奧占其十七萬七千英里云。又特捏士塔河發源加里細亞。下流經俄境入黑海。維士克耳河發源細勒西亞。下流經俄普境入波羅的海。阿得河發源摩拉維亞。經細勒西亞入普界。厄耳白河發



源不威迷亞。過巴拉加會城。入撒遜境。阿的區河爲通亞得亞海要道。發源的羅爾之格崙。南經意國威內薩入海。此奧境諸水大較也。

二十三日記

奧境北不逮波羅的海。東不濱黑海。所恃以通海道者。僅亞得亞海一隅。此海爲地中海之東灣。亦名威內薩海灣。奧自失威尼西亞奴一部。江河下游悉歸鄰境。鐵軌東來。必經阿耳魄士荒山。始至壹黎里亞。濱海雖屯水師。天險究與意大里共之。故現以的里也斯德及坡拉兩部爲重鎮焉。奧以下奧地利亞爲首部。在阿耳魄

士山東盡處。多惱河貫其中。西岸大城名維也納。奧都城也。在赤道北四十八度十二分。京師西一百度零七分。倫敦東十六度二十二分城周三英里。通門十二。環以深濠。物產則有綢緞絨呢地毯棉花書籍地圖樂器礮械磁器。加里細亞一部。波蘭舊地也。凡三萬零三百六英方里。乾隆末第三次分波蘭。始全入奧。地在卡批提安山背。居民六百九十萬。會城曰陵卑爾谷。近台尼斯潔河。又布哥維訥部四千零三十四英方里。居民六十四萬。波斯尼亞及亞刺萬。并諾維巴薩。新得土耳其地也。東鄰塞爾斐亞國。以特林諾河爲界。諾維巴薩伸入土境。

出使日記續刻

卷七

單 傳經樓校本

爲奧極南邊地居民一百四十萬。

二十五日記

昨赴柏金韓模宮英君主之朝眷會。今日午刻赴英新造屬國會館觀英君主行開門之禮。數日前有一英商久居巴西者來謁。因聞巴西遣使中國立約招工。據稱將設公司包辦此事。余告以中國卽許華工赴巴西傭墾。但不願洋人往招。而欲導其自往之路。若公司包辦。則華人必失自主之權。又將蹈古巴秘魯猪仔之覆轍矣。必不能允。因詢以巴西情形。據云巴西沃土甚多。田地已墾者僅四分之一。天時炎熱。難免疫氣。都城有

六十萬人自改民主以後民氣轉多不靖蓋巴西本一統之國其改民主例與美國相同各部競思自主政令斷難畫一現議仿法國民主之例如能辦到庶有豸乎蓋法國雖稱民主而仍統於一尊各部無角峙之勢非若美之合眾國爲國也又稱十數年前巴西與中國立約後華民往者三百人工期五年既皆屆滿今乃各業所業大都皆小本營生及捕魚墾田之事云

### 二十六日記

電致總理衙門云滇事磋磨已久彼堅不認曾侯前議又謂新設威邊廳係卡瓦舊地與車里孟連兩土司向

均入貢於緬。索爲兩屬。緬官又以照約入貢爲恥。隱圖  
狡賴。外部被印度牽制。動輒停商。殊覺計窮力竭。惟印  
度覬逼滇疆。意甚叵測。若不稍展拓。無以折彼隱謀。兼  
啓他國窺伺。賴鼎力始終扶助。伸金江爲界之議。彼有  
所憚。可就範圍。頃外部來文。據與印督商定。孟定橄欖  
坡西南邊外。讓我一地。曰科干。抵潞江左岸。凡七百五  
十英方里。又自猛卯土司邊外作直綫。抵潞江麻栗壩  
之對岸止。悉劃歸中國。約八百英方里。又久淪於緬之  
漢龍關。勘界時可歸中國。又以野山地之昔馬。及其迤  
北迤南歸中國。約三百數十英方里。彼此較易分守。又

允我收回車里孟連威邊全權。自後與英無涉。又飭緬  
員明年呈進方物。查展地皆係靠邊。較易控轄。其餘分  
界。可悉照滇圖界綫。似此收場。雖變換曾侯前議。尙足  
與三端相紮。明知荒地無益。必稍有所展。一杜各國輕  
視。二窒印度狡謀。三護滇邊土司。四免彼勘界時侵入  
滇境。彼族異常黠。刻思乘機翻異。歐使又暗中恭撓。  
事機呼吸。應否摘要先呈。

御覽電示機宜。迅與定局。杜彼狡變。容卽具摺詳奏。並  
與外部商訂條約通商章程。約三箇月可了事。前論分  
界。索彼已得之地。故難。今議通商。歛以可獲之利。故易。

惟新任請簡逾期到洋必在滇事全了後懇速定。

二十七日記

空氣中有電。即動植諸物亦莫不有電。電之性分陰陽。同則相驅。異則相吸。電之用分乾溼。可藉其力以運動別物。亦可借其用以大放光明。近三十年來研究愈精。運用愈妙。工人以之鍍金銀器皿。醫生以之治病。將士以之施放巨礮及水雷。農圃以之培養植物。國家以之處決重罪人犯。或用以傳聲。或用以傳信。雖數萬里外。瞬息往來。又自電燈盛行。而煤氣燈爲之黯然減色。如礮臺之守禦。兵艦之游行。皆用電燈窺伺敵人。近來西

人體察愈深。咸以電燈。但於夜間放光。白晝無所事事。恐將機器空擱。遂用新法。以銅綫通於別種機器。一經運動。千輪萬軸。旋轉不已。各處工作之場。皆用之。夜則仍放光明。一舉兩便。邇來又以電氣行車。較之火輪車。無震動轟炸之患。無風雨遲緩之虞。如日後再用電力以行船。則更妙矣。

### 二十八日記

洋字由左橫行向右。有大楷小楷草書行書四種。字母凡二十六。以華音呼之。曰愛。曰比。曰西。曰低。曰衣。曰愛夫。曰奇。曰愛癡。曰挨哀。曰及哀。曰開。曰愛尼。而曰愛姆。



曰愛恩曰卧曰披曰口育曰阿而曰愛司曰梯曰宥何  
曰維宜曰達勃留五曰愛克司曰至哀曰思熱梯其拼  
字法以愛衣挨哀卧宥五字爲韻猶中國翻切法用尾  
字爲韻其出切字用及哀開口育三字皆喉音也用低  
梯愛尼而三字皆腭音也用思熱梯愛司二字皆齒牙  
音也用比披愛姆愛夫維宜五字皆唇音也西洋用韻  
愛字有哀鳴挨凹惡五聲衣字有衣合歐三聲挨哀字  
有挨哀一三歐三聲卧字有蛙惡凹屋烏厄六聲宥字  
有尤何厄歐屋四聲此用韻之糾紛當通切韻以一之  
者也西洋字母考其音韻之通轉有正紐倒紐二法如

提卧爲杜字。卧低則爲惡疊字。愛甫衣爲非字。衣愛甫則爲愛甫字。衣字無音矣。開挨哀爲卡哀字。挨哀開則爲一克字。挨哀開口變爲齊齒矣。愛司宥爲西育字。宥愛司則爲厄司字。思熱梯愛爲才字。愛思熱梯則爲鴨是字。愛能卧爲拿字。卧愛恩則爲盎字。愛能在前爲嘜音。爲第三位。在後則爲尾音也。

### 二十九日記

愛能愛爲男字。愛愛恩則爲鴨痕字。卧宥爲惡何字。宥卧則爲育字。此皆二字拼法。一通切音。可以正倒審其音之輕重也。皮愛低爲拔疊字。低愛皮爲達勃字。梯愛

披爲塔浦字。披愛梯爲攀脫字。愛能愛披爲捺浦字。披  
愛愛恩爲攀字。愛姆愛低爲襪疊字。低愛愛姆爲達姆  
字。梯衣愛恩爲吞字。愛能衣梯爲納脫字。此三字拼法  
一通切音。可以正倒審其音之輕重也。皮愛愛爲排字。  
皮衣衣爲皮字。特勃留五卧衣爲華字。特勃留五卧卧  
爲何字。此可見尾音重複反致無音也。愛司披歪哀爲  
司派哀字。愛司梯歪哀爲司太哀字。此可見三字均響  
則皆有音也。卽洋字中有同一字形而音義微異者。據  
華音以切之。異者亦歸於同。如洋語弓爲耙。揖拜爲抱  
何其字同爲皮卧有何。洋語風爲活音疊。旋轉爲槐音。

疊其字同爲宥阿挨哀愛恩提。又如石灰黏膠爲失門脫。灰榻黏膠爲細門脫。字音分輕重也。快活爲瞎潘歐。頂快活爲瞎潘愛司脫。字音之加尾也。大致不外切韻九音法。曰牙音。曰舌頭音。曰舌上音。曰重唇音。曰輕唇音。曰齒音。曰正齒音。曰半齒音。曰喉音。無論二字拼至十餘字拼。皆可得而易知也。中國不識洋音。但能識得洋字之音。則遇洋人書字。欲察其是否。須先問洋人如何講說。今據中國之切音。馭西洋之字音。聽彼講說。起音係何字母。收音係何字母。中間轉折係何字母。然後勘其所書之字。合與不合。自無不豁然。

矣

四月癸丑朔記

漢諾威日耳曼之大國也。昔者英吉利無主。英之臣民迎漢諾威王入主英國。仍兼王漢。如是者累世矣。漢例有與英例不同者。英例君主無子則傳女。漢例不能傳女。今女主維多利亞卽位。遂立其同宗某公爵使王漢。諾威在英仍爲公。在漢則爲王。先是日耳曼諸國以奧地利亞爲最大。普魯斯次之。巴威也。拉卽拜又次之。漢諾威又次之。漢國轄境頗廣。其地幾與伯靈相接。數十年來。普國日長。炎炎惟巴漢兩國與普頡頏。有相爭相

忌之勢。同治初年，普伐奧，乘勢先滅漢諾威。漢王奔法，寓居巴黎。普乃大敗奧師，多割其地。是時普相畢士麻克用事，崛起稱雄，以英之強，坐視宗邦之覆滅，竟亦不能救也。普既蹶法，改號德意志皇帝。日耳曼會盟諸邦，無不奉普爲其主，自居屬國之列。德人頗風示漢王，如能降心相從，奉德正朔，可悉返侵地，俾王故國。漢王不稍貶節，竟不之應。德乃派官治漢，除去常用經費，餘財悉爲存儲。且曰：漢王如降我財與地，悉返之，無何漢王卒。其子仍寓巴黎，自稱漢諾威王，亦終不肯降德。近年有人說合，王乃自稱不願歸王故國，亦不勸其舊民與。

德爲難德於是以歷年所儲餘財返之然自是漢地終  
爲德有矣 武昌設自強書院分算學方言格致商務  
四齋

初三日記

美國大公堂前定驅逐華人之例凡華人不注册者驅  
逐出境但華人不肯照行十萬人中僅有四千人注册  
耳其餘九萬六千人皆應驅逐若照原例須用經費五  
百萬員而有著之款僅得三十六萬餘員有不能舉行  
之勢大約此例當廢矣美國議者或稱華人在太平洋  
各國極爲有用之工若驅逐之不啻自去地方之利益

俟下次開議院時須駁去此不善之苛例。或又慮美人在中國者。中國亦仿而行之。如是則必有撤使之舉。美國總統之意。非將驅逐華人事辦妥後。決計不派公使駐華。現計美人在中國者僅一千人。似不畏中國之仿行報復。惟中美兩國若果因此絕交。則中國茶葉之貿易。將爲印度及英人所得。美國火油之生意。將爲俄人所得耳。

初四日記

檀香山歸併美國一事。土民願從此議者一千九百二十八人。不願從者四萬人。中俄兩國曾立接連電綫。



之約經俄使喀希尼與李中堂於去年西八月在津簽押約內所載如有更換當以十年爲期其接連之路有二一由牛莊至諾倭業斜羅一由呼倫貝爾至布拉郭威什臣斯克即海蘭泡一由恰克圖相接由呼倫貝爾至海蘭泡之電業已竣工歐亞來往電信已可由此發寄矣由俄都至中國一路每字價法銀五方由他國寄信東方者每字八方八十生丁此事俄國爲自收其利起見此路電綫竟與海綫取資無異大失眾望駐京各使皆起而爭之英國歐使尤爲不悅然迄無挽回之效各使現欲追議一千八百八十五年所定之電報公會云

初五日記

美國駐法領事將二十年來法國興旺情形報知美國。據云自拿破倫第三失國。法地出煤較前可增一倍。逐日用煤較前多燒十分之七。鐵路運貨之噸數較前增百分之八十七。火車所載客商人數現已加倍。國家存款在銀行者加至四倍。辛卯年法國在東京用過之款計一千零九十二萬五千員。協餉等項進款有九百四十九萬六千員。實虧一百四十二萬九千員。法國國債截至今年西正月初一日止。實有三萬零六百一十一兆六十八萬五千佛郎。較昔又增多矣。英國進口

貨多於出口貨。近十箇月中進口貨祇少英金一百五十萬鎊。出口貨少至一千九百五十萬鎊。若以一年核算。卽應少二千四百萬鎊。英國生意如此。大非興旺氣象。

### 初六日記

德國現有國債十六萬七千一百萬馬克。約合英金八千三百五十五萬鎊。將來仍有增無減。緣俄法兩國。年年整飭武備。德不能不設防也。惟以民人五千萬合算。欠債實非甚多。若以德國盟邦欠債而論。則德國欠債爲甚巨。普魯士邦欠英金三萬萬鎊。泗克生邦欠三千

一百六十萬鎊。巴利尼亞欠六千六百六十五萬鎊。各小邦所欠之債。尙未計及。至各邦之債。尙有鐵路作抵。而普魯士進款。足付常年利息。並可帶還國債。德戶部歲由各盟邦提款以資使用。去年各邦解往德都者。三萬二千一百萬馬克。後兩年尙須稍增。其行息則自三分至四分云。

初八日記

法國礦務新報由各處查明天下所出金銀計辛卯年共出金二百零六噸。值英金二千六百三十二萬鎊。共出銀一千七百七十七噸。值英金三千七百三十六萬

鎊。出金之數。首推美國。次澳大利亞。次俄國。次南阿非利加民主國。次非洲。亞洲之英國。新疆。次則中國。查美國所出之金。值英金六百八十八萬鎊。澳洲出金值五百零八萬鎊。俄國出金值四百六十八萬鎊。南非洲出金值二百七十六萬鎊。阿亞兩洲。英屬新疆。出金值一百九十二萬鎊。中國出金值一百零八萬鎊。紐卽倫脫。出金值七十六萬鎊。其餘每國出金。值二十萬鎊至二十八萬鎊不等。出銀之數。亦首推美國。值英金一千五百六十萬鎊。墨西哥出銀值一千零八十四萬鎊。波利非亞出銀值三百二十萬鎊。德國出銀值二百七十六

萬鎊。智利山銀值六十萬鎊。西班牙與法國出銀各值四十萬鎊。中亞美利加與英屬之歪阿那出銀各值四十萬鎊。中國山銀值三十萬鎊。此前年各國所產金銀大略也。

### 初九日記

前年美國進款合計英金八千五百十七萬三千六百四十鎊。出款八千三百十九萬零七百六十一萬鎊。

淡巴菰出自荷蘭。然後西班牙法蘭西從而效之。傳至日本盛行於中國。塞上價甚昂貴。至以馬一匹易煙葉一斤。謂可治寒病。初設厲禁。禁弛而播種遂廣。寢假又

有鼻煙王公貴人多好之。按意大利多產蔞草。國人碾而製之。曰布露輝盧。英人名之曰士那富。以鬱蘊既久。香氣乃醇。相傳彼國有人藏煙葉甚多。數十年發視。變爲塵土。嗅之有異。始仿製爲鼻煙。歐洲人服之者。以俄法爲多。氣辛以辣。近日鼻煙亦已多。非舊質。今論煙之品。上者曰飛煙。次則鴨頭。色綠而味微酸。謂之豆煙。煙究以深綠爲上。鴨頭綠次之。深綠歷百年變爲深紫。有近墨色者爲最上乘。鴨頭久亦微黃。漸成紫紅。質薄氣烈。有白色者亦爲佳品。大約色以深爲上。淡爲下。黑爲上。黃爲下。味宜酸。氣宜靜。質宜舊。其用則通百脈。達九

數調中逐穢惡解瘴疫愈頭風明目至備煙者謂之瓶  
又謂之盒載煙者謂之壺取煙而注之壺者謂之漏煙  
在壺撥諸器以餉客者謂之疊刺於瓶以別美惡者謂  
之挑挑疊以象牙爲之壺之製則珠玉瓷石鼎木無不  
兼用

### 初十日記

詩有之曰相其陰陽觀其流泉後世風水家祖之記有  
之曰外事以剛日內事以柔日後世日者家祖之是知  
風水與擇日之說由來舊矣泰西風俗並無此事其墳  
墓則規一曠地爲叢葬之區不論貧富貴賤皆萃其中



但其邱隴在富貴者則修飾精整在貧賤者則規制卑陋耳然在地上則數千百塚累累排列在地下則互爲隧道四面皆如牆壁以棺推入其中而所謂龍脈形勢者皆無有也其宮室則或閔敞或庫隘無慮皆係樓房依街衢自然之勢雲連櫺比不審嚮背不擇時日卽所謂衝太歲坐三煞者皆不忌也大抵中國久有風水與擇日之說人人意中皆有此事故亦能稍稍顯其禍福西洋本無此說人人意中皆無此事故禍福亦無從著焉陰陽怕蒙懂此之謂乎

十一日記

許竹簣星使來函云。帕事似俄廷謂我調兵添備。意在  
與爭。始有請我另指實地。再行和商之說。上月初旬俄  
外部亦有華兵不出。俄不調兵前進等語。鶚堂見噶爾  
斯力以顧全和好爲言。噶頗謂然。揣度近來情形。可免  
決裂。但彼此界議。尙難合龍。仍是相持之局。署咨歸裝。  
明言各按俸薪。分別加復。則使臣至。隨員應領九成。似  
無疑義。前歲署電乃一時權加。今既咨行。前次足成之  
例。自作罷論矣。洪文卿侍郎去秋兩爲言者。余聯沅糾  
其界圖。誤將華地劃在界外。似聞因尊處摹繪英外部  
所送圖。譯者加注界圖虛綫。謂爲誤據俄本。其實英官  
圖局未如

此以此據抬大爲南城士大夫口實

其疏則一留中一交署覆已了

### 十二日記

中國以嗣續爲最重。孟子謂不孝有三。無後爲大。蓋有鬼猶求食之說。又有神不歆非祀之說。若敖氏之鬼。不其餒而令尹子文所以泣也。佛氏生於印度。其說亦頗相符。故以人之生前造孽者爲餓鬼。鬼而稱之爲餓。則鬼眞求食矣。求食必賴子孫之祭祀。講陰陽者遂以絕嗣爲最重之罰。良有由也。泰西風氣則不然。往往有富擁鉅萬而終身不娶。將死則輸之教堂。分之朋友者。往往有貴爲總督。或各部大臣。年近耆艾。猶孑然一身。晚

乃娶一耆艾之處子。不過聊以自娛。意本不在生育者。蓋彼本視子孫爲甚輕。若居可有可無之列。所以然者。彼謂人死之後。歸於溟漠。無所謂求食也。此耶穌之說。之與儒佛不同者也。洋人無事不講覈實。大抵如此。然之死而致死之。不仁而不可爲也。聖人豈不能爲洋人之覈實哉。蓋深有見於鬼神之神。體物不遺。祖宗與子孫。實有相依相繫之理。人人知此。則爲善者有所勸。爲惡者有所懲。而報本追遠之意。油然而生。耶穌之教。非不覈實。然而難免不仁之譏矣。

### 十三日記

英法兩國雖皆稱饒富之國。然法自爲德人所敗。國債  
纍纍。困於輸息。以至無物不稅。無稅不重。尙有孑孑不  
終日之勢。英國則帑項充裕。凡人所資爲衣食及日用  
必需之物。無不優免關稅。以廣招徠。其重收關稅者。惟  
煙酒茶葉加非四者而已。舊時英關於綢緞米麥等亦  
莫不有稅。厥後用議院之議。漸裁各稅。而以其稅加之  
煙酒加非茶葉之中。然近來英關收數。仍不減於舊者。  
以煙酒加非茶葉之銷數甚繁也。議院之言。蓋謂布穀  
等物。民所仰爲衣食者。稅之則礙民生計。故竟裁之。煙  
酒加非茶葉。並非人生必需之物。而人必欲用之者。不

過徇一時嗜好。而其力亦必稍有餘者也。彼既可已而  
不已。雖重權之。亦不爲過。譬之人吸雪茄煙者。日費三  
本土。今加其稅。俾日出六七本土。亦於其人尙無大損。  
此所以值百抽百。或抽二百。而民不以爲病也。此所以  
能用四宗之稅。敵百貨之稅也。余於是恍然於中國之  
關。亦可漸用此術。昔南宋以一隅之地。支持強盛之女  
眞。趙開爲張浚理財。僅恃四川一省。所供之餉。數倍於  
全盛之時。而能源源不竭。其大端亦不過倚辦於權酷  
權茶數者。英人之法。殆暗與此合。今中國關稅及洋藥  
釐金。每歲收銀約二千餘萬兩。誠將各物出入口之稅

一概豁免。而於茶葉出口稅酌減其半。以輕成本。所有歲收二千餘萬兩。盡加之於洋藥釐金與煙酒。加非之中。其洋紗洋布火油自來火四項。亦須加稅一二倍。以保華民生計。豈非自富自強之要圖乎。

十四日記

余聞南北冰洋人皆短小。其地不生草木。以雪爲廬。以冰爲牀。以魚爲糧。以獺皮爲茵。魚與獺皆捕之冰中者也。水之所產。舍此無別物焉。以犬與鹿爲使。或駕車或運物。而以魚骨養之。陸之所產。舍此無別物焉。夫赤道之下。天氣炎熱。而人皆短小。以其終歲發生人之氣不

一歛則長養亦不能宏也。南北冰洋天氣沍寒而人皆短小。以其終古嚴凝人之氣不一舒則孕育亦不能厚也。然則得天地中和之氣者。惟居黃道下爲最相宜乎。

### 十五日記

西俗於養身之道。無論貧富貴賤。皆較華人爲講究。凡稍有身家者。每膳必食兼味。必有牛肉。有洋酒一二品。食畢。有水菓。有加非。有雪茄煙。早晚必飲牛奶。或牛肉湯。日用之需。約須以洋銀三四員爲度。其衣服雖皆用黑呢。短衣窄袖。然聞其費亦頗不菲。大抵洋人性情好潔好整。好便捷。好示闊氣。好有益於身體而卻疾病。雖



工人僕御之流。每七日亦必食牛肉一二次。否則謂無以養生也。華民之傭工外洋者。每日可得工資洋銀二員或三四員。而其自奉甚菲。衣食至爲濫惡。意在節省以蓄餘資。洋人往往嗤鄙之。其議以爲天地之間人爲貴。天本予人以自養之權。今華民欲等人道於牛馬。則我亦不能以人道待之。美國所以有驅逐華民之政也。雖由貧民之忌人奪其生計。然使華民稍自修飾。不露寒儉之態。其被嫉當不至若是之甚。風氣所趨。有不得不然者耳。

十六日記

中國用人以富者爲嫌。西俗用人以富者爲賢。其道有相反者。夫登龍斷以左右望而罔利市者。謂之賤丈夫。中國數千年來。無愚智皆知賤之。西漢摧折富商。俾不得與齊民齒。即使其中有賢能者。亦往往擯不用。偶或誤用之。未嘗不致禍敗。其矯枉過正者。遂有明知其賢而避嫌不用者矣。故貶之曰銅臭。斥之曰守財虜。中國之習俗然也。泰西各國最重議紳。議紳之被推選者。必在殷富之家。謂之體面人。且其平日必散財厚施以沽名譽。然後能爲眾所推。間有十之一二以寒士膺選者。則因其才學已著。有富人代之用財。冀其入議院而助

已也。至其選爲各部大臣及宰相者，非殷實之世爵，卽富厚之名人。其意以爲彼皆不憂衣食，專顧體面，未有不竭誠謀國者。而其所用之人，非特犯贓罪者，頗魁往，往皆能稱職。大抵人才視風俗爲轉移。彼知爲眾所棄，則竟自棄矣。爲眾所重，則亦自重矣。且西洋之寒門貧族，所以不出人才者，彼自入塾讀書以後，非極富則不能爲上等之學問，非極富則不能交上等之朋友。况復囿於見聞，牽於衣食，其不能開拓胸襟也審矣。若夫豪傑之士，非以財助之不興也。蓋有恆產卽有恆心者，吾於泰西風俗見之。

十七日記

印度洋中鱷魚最夥。擒之之法有三。或用手槍擊中其目。他處彈不能入也。此非眼明手快者不能。或有趨捷者。躍上鱷背。不啻騎鯨而去。以兩手扼其目。取之亦易。更或用竹竿尖其兩頭。手執其中。立於海邊誘之。魚見人影。以爲可啖也。張口而來。捕者持竿送入。一經吞噬。口不能合。然後再傷其兩目。而魚卽斃。又聞南洋白蠟等埠。因有鱷魚爲患。土人被害者不可屈指計。於是居民操强弓毒矢以與之從事。一月間捕獲十六尾。最巨者長十九尺。圍寬九尺。亦有甫經上釣。卽悠然長逝者。

然自此經漸息矣

十八日記

梵典分大地爲四大洲。實在西洋圖說一千數百年以前。其名曰南瞻部洲。西牛賀洲。北俱盧洲。東神勝洲。魏默深氏謂西洋圖說之四大洲。僅得梵典四洲之二。其說以爲水中可居曰州。亞細亞歐羅巴阿非利加皆有陸地可通。實爲一洲。蓋卽釋典之南瞻部洲。亞美利加卽釋典之西牛賀洲。至北俱盧洲則隔於北冰洋。東神勝洲則隔於南冰洋。海船不能至其地。遂不能遇其人等語。魏氏解釋典之四洲。視洋人圖說之四洲。益遼闊。

矣。余謂人迹所不能到之地，卽人物所不能生之地。此可以理決者也。北冰洋在俄羅斯陸地之北，南冰洋在南洋大海之南，居北極南極之下，皆一片冰雪，幽闇昏昧，日光不照，人物不生。釋典烏得稱之乎？且南北極之下，爲地球南北之樞，不能得大地百分之一。若以地球周圍大勢測算，又安能容此兩大洲乎？然則釋典之四洲，殆卽西洋圖說之四洲無疑也。魏氏引說文水中可居曰州之說，謂亞歐阿三洲皆有陸地可通，實爲一州。未免失之太泥。蓋說文之意，不過就大勢而言。假令其地四面有九分爲水所環，僅有一分通陸，固亦可謂之

州矣。今雖不能就釋典之四州確爲注解。大約美洲卽西牛賀洲。其南瞻部洲似指印度及南洋各島言之。則東神勝洲爲亞洲無疑。而北具盧洲爲歐洲無疑矣。阿洲或附印度或附亞洲。未可知也。魏氏之說難免闕大不經之譏已。

### 二十日記

昨赴外部譙會慶英君主生辰也。君主生於西五月二十四日。今譙會移於西六月初三日云。日本於辛卯年編查戶口。其得四千零七十一萬八千餘人。內男丁二千零五十六萬三千餘口。婦女二千零十五萬五千

餘口於此十年之中竟增民三百八十萬八千餘口近  
三年中又增民一百一十一萬二千餘口云

二十一日記

梅氏定九之言曰遠國之言歷法者如唐之九執歷元  
之萬年歷明洪武間所譯回回歷皆出西域而東南北  
無間蓋堯命羲和仲叔分宅四方嵎夷南交朔方皆有  
定處獨和仲曰宅西不限以地知當時聲教之西被者  
尤遠迄乎周末疇人子弟分散遐方抱書器而西征者  
勢固然也歐羅巴在回回之西其歷法與回回同源世  
世增修遂駕回回之上羲和久失其傳古籍僅存周髀



一法。西人渾蓋之器。地圓之說。皆不出周髀範圍。而周髀之學。直接羲和。亦可知源流之由中及西。西人特加精之耳。何容以中西之見歧之哉。明季閣臣徐光啓奉命譯西洋歷算新法。書成未用。

國朝始準頒行。然攷康熙初年。嚆人與西洋人爭訐不休。廷臣莫能定其是非。

聖祖爰於萬幾之暇。搜討數十年。遂造精微。

御製三角形論。融會中西諸術。又徵梅穀成供奉

內廷充

蒙養齋律歷洞源總裁。測量日星。攷核求是。復遣官往

浙閩蜀粵分測日影月食以定諸差凡躔離朏肭交會  
之原五緯伏見遲留之故逐一詮解日呈  
御覽親加點定成書四十餘卷名曰歷象攷成

二十二日記

西洋諸國武備日新文教亦蒸蒸日上英國倫敦有赫  
來士阿斯必鐸者大學館也建自三百五十年前學徒  
七百人有可造者升之岳斯笏大書院倫敦又有播犁  
地土母席庵者爲最大書院中國經史子集無不收藏  
男女看書者三百餘人早入暮歸且於中國聖人之道  
無不悉心體會英之文教蓋如此德國書庫在新皇宮

之旁屋中列數千年前樂譜及各國古字俱以羊皮爲之有掌書所亦藏中國經史子集並有梵文字彙蒙古舊史吐蕃紀載每日九點鐘至四點鐘凡來領書鈔讀者二百餘人德之文教蓋如此美國人皆入書院分十餘班升首班者入郡學院專教格致史鑑厯學算法他國語言文字及藝術必用之書再上有實學院院有上下分十三班考得首班者入大學院肄業肄業既成升之仕學院蓋欲其學優而仕也院中藏書與英略同其所肄業諸學一經學專論教中事也二法學考論古今政事利弊及通商事宜也三智學格物兼性理文字諸

言諸事也。四醫學博考經絡表裏及製配藥品也。美之文教蓋如此。

### 二十三日記

鐵壁關與壘弄相近。在騰越西南六十英里。北緯二十四度十九分。倫敦東九十七度四十七分。字林報云。吳淞口內之高橋沙。又名鴨鵝沙。淤淺日甚。無論大小船隻。非有大潮。竟不能駛進黃浦。實關上海通商全局。若不設法開濬。恐西商必移至他方。另擇便當之處。而上海市面冷淡矣。英國出口之外國貨物。與出口之新疆貨物。其值英金四百七十八萬八千餘鎊。較之往

年均有增無減而生棉羊毛兩項爲數尤多。俄廷今年額外動用款項約計八千一百萬羅布。大半建造鐵路而悉畢爾之鐵路亦在其內。如擬定之數目仍不敷用。俄廷卽擬借債二千五百萬羅布以補不足。

### 二十五日記

上海輪船招商局第十九屆帳略綜結。一該股分資本規銀二百萬兩。一該保險股款規銀二十萬兩。一該洋商存款三十二萬餘兩。一該往來存款四十六萬餘兩。一該股分存息銀二十二萬餘兩。一該自保船險一百三萬餘兩。一該綜結公積規銀六十九萬餘兩。又有零

款三小宗其結該各款規銀四百九十七萬餘兩一存往來欠款規銀三十九萬餘兩一存朝鮮借款十二萬餘兩一存舊帳股票產契抵欠銀十萬餘兩一存現有銀洋五萬餘兩一存借發輪船保險二項股息銀二十六萬餘兩一存華棧資本五萬兩又有零款七小宗其結存規銀一百十萬餘兩一存船二十七隻其計本銀一百八十二萬兩一存各口小輪船躉船駁船各局生財漕米麻袋其計九萬兩一存上海東棧本銀二萬兩北棧二十八萬兩中棧十三萬餘兩南棧七十九萬兩一存天津棧房十六萬餘兩一存漢口棧房十七萬兩

一存九江棧房七萬兩。一存鎮江棧房五萬兩。一存香港棧房七萬四千兩。又各口棧房十餘處。其計棧本一百九十二萬兩。統計結存各款規銀四百九十七萬餘兩。

### 二十六日記

招商局第十九屆綵結。一進各船餘款規銀四十九萬餘兩。一進漕運局帳四萬六千餘兩。一進撥補各船運槽駁力二萬餘兩。一進北棧餘款六萬餘兩。一進客貨棧租六萬餘兩。一進各口產租五萬四千餘兩。一進售舊物料六百餘兩。其計結餘規銀七十四萬餘兩。一支

上海地租二萬五千餘兩。一支各項修理二萬七千餘兩。一支各項繳費十二萬餘兩。一支各項息款四萬九千餘兩。一支股本官利十二萬兩。其計結支規銀三十四萬餘兩。除支結餘三十九萬七千餘兩。一各船棧折輕成本二十六萬八千餘兩。一提派股分餘利八萬兩。除支淨結餘規銀四萬九千餘兩。一提派各執事酬勞獎賞四千九百餘兩。實計結餘四萬四千餘兩。一上屆結存公積銀六十六萬餘兩。除贈卹唐景星觀察一萬五千兩。統其實存公積銀六十九萬兩。

二十七日記



招商局現有輪船計存永清船本規銀四萬兩日新船  
本銀五千兩豐順船本七萬五千兩江寬船本七萬五  
千兩江永船本七萬五千兩鎮東船本四萬兩海晏船  
本十萬兩海琛船本五萬兩海定船本五萬五千兩江  
天船本八萬五千兩江孚船本六萬五千兩江通船本  
三萬兩海昌船本一萬兩江平船本五千兩致遠船本  
七萬兩拱北船本四萬兩圖南船本七萬兩普濟船本  
四萬五千兩江裕船本十二萬兩富順船本十一萬兩  
廣利船本十一萬兩美富船本四萬五千兩廣濟船本  
三萬兩新裕船本十四萬兩固陵船本三萬兩新豐船

本十五萬兩。新濟船本十五萬兩。以上共商輪二十七號。結存船本規銀一百八十二萬兩。

二十八日記

上海仁濟和保險有限公司合辦第七屆帳略綜結。一該股分資本規銀八十萬兩。一該前屆股分存息一萬一千餘兩。一該本屆股分存息六萬四千兩。一該綵結公積銀四萬二千餘兩。又零款七小宗。其結該規銀九十四萬一千餘兩。一存招商局銀二十萬兩。一存織布局八萬兩。一存匯豐銀行二十七萬兩。一存法蘭西銀行十五萬兩。一存麥加利銀行五萬兩。一存招商局往

來銀十五萬五千餘兩。又零款七小宗。其結存規銀九十四萬一千餘兩。綵結一進各局保費規銀八萬六千餘兩。一進招商局息銀六釐一萬二千兩。一進匯豐息銀九千二百餘兩。四釐半又各處息款七小宗。其結收規銀十三萬五千餘兩。一支保險賠款。除轉保攤賠及涇貨拍賣外。實賠銀七萬八千餘兩。一支股分八十六釐官利四萬八千兩。一支股分二釐餘利一萬六千兩。又零款七小宗。共計支規銀十五萬一千餘兩。淨計本屆結虧銀一萬五千九百餘兩。一提結酬勞一千兩。一上屆公積餘存五萬九千餘兩。實計結餘公積規銀四萬二

千三百餘兩。

五月壬午朔記

光緒十七年。英國運到中國之貨。值銀二千九百六十二萬餘兩。香港運到之貨。值銀六千八百十五萬餘兩。印度運到之貨。值銀一千二百四十七萬餘兩。新嘉坡來貨。值一百七十六萬餘兩。新金山紐西蘭來貨。十一萬餘兩。加那大來貨。九十三萬餘兩。以上英國及英屬地來貨。共值銀一萬一千三百零六萬兩。中國運往英國之貨。值銀一千三百七十七萬餘兩。運往香港之貨。值銀三千七百七十萬餘兩。運往印度之貨。值銀一百

五十六萬餘兩。運往新嘉坡貨。值一百三十七萬餘兩。運往新金山貨。值一百十九萬餘兩。運往大浪山貨。值十八萬餘兩。運往加那大貨。值五十一萬餘兩。以上運往英國及英屬地貨。共值銀五千三百三十二萬餘兩。出入相抵。中國應虧銀五千九百七十四萬餘兩。美國運到中國之貨。值銀七百七十三萬餘兩。中國運美之貨。值銀九百三萬餘兩。出入相抵。中國淨贏銀一百三十萬兩。俄國運到中國之貨。值銀一百零六萬餘兩。中國運俄之貨。值銀一千一百十二萬餘兩。出入相抵。中國淨贏銀一千零零六萬餘兩。歐羅巴除英俄二國外運到中

國之貨值銀四百三十八萬餘兩。中國運歐除英俄之貨值一千四百八十九萬餘兩。出入相抵。中國淨贏銀一千零五十一萬餘兩。日本運到中國之貨。值銀五百七十萬餘兩。中國運往日本之貨。值銀五百八十萬餘兩。出入相抵。中國淨贏銀九萬六千餘兩。

初二日記

澳門運到中國之貨。值銀三百六十五萬餘兩。中國往澳之貨。值銀一百九十一萬餘兩。出入相抵。中國淨虧銀一百七十三萬餘兩。呂宋運到中國之貨。值銀五萬七千餘兩。中國往呂之貨。值銀二十三萬餘兩。出入相

抵中國淨贏銀二十萬餘兩。越南運到中國之貨，值銀二十五萬餘兩。中國往越之貨，值銀二十萬八千餘兩。出入相抵，中國淨虧銀四萬二千餘兩。暹羅運到中國之貨，值銀二萬九千餘兩。中國往暹之貨，值銀三十五萬餘兩。出入相抵，中國淨贏銀三十二萬八千餘兩。爪哇運到中國之貨，值銀三萬六千餘兩。中國往爪之貨，值銀三十七萬餘兩。出入相抵，中國淨贏銀三十三萬餘兩。埃及運到中國之貨，值銀四千餘兩。中國往埃之貨，值銀六十六萬八千餘兩。出入相抵，中國淨贏銀六十六萬餘兩。統計洋貨值銀一萬三千六百零一萬

餘兩。土貨值銀一萬零零九十四萬餘兩。除洋貨轉運出洋值銀二百萬餘兩外。出入相抵。中國實虧銀三千三百五萬餘兩。

初三日記

光緒十六年。英國運到中國之貨。值銀二千四百六十

萬餘兩。

香港轉運來往各國

運到中國之貨。值銀七千二百五

萬餘兩。

并印度洋藥在內

印度來貨值銀一千零三十萬餘兩。

新嘉坡來貨值銀一百七十七萬餘兩。新金山紐西蘭

來貨。值銀二十二萬餘兩。加那大來貨。值銀六十一萬

餘兩。以上英國及英屬地來貨。共值銀一萬零九百五



十七萬餘兩。中國運往英國之貨。值銀一千三百零九萬餘兩。運往香港之貨。值銀三千二百九十三萬餘兩。運往印度之貨。值銀一百五萬餘兩。運往新嘉坡之貨。值銀一百四十六萬餘兩。運往新金山紐西蘭之貨。值銀一百二十六萬餘兩。往大浪山之貨。值銀二十一萬餘兩。往加那大之貨。值銀四十八萬餘兩。以上運往英國及英屬地貨。其值銀五千零四十九萬餘兩。出入相抵。中國應虧銀五千九百零八萬餘兩。美國運到中國之貨。值銀三百六十七萬餘兩。中國往美之貨。值銀八百十六萬餘兩。出入相抵。中國贏銀四百四十九萬餘

兩歐羅巴

除英俄二國外

運到中國之貨。值銀二百四十七萬

餘兩。中國運往歐羅巴之貨。值銀一千一百六十二萬  
餘兩。出入相抵。中國贏銀九百十五萬餘兩。俄國運到  
中國之貨。值銀八十九萬餘兩。中國往俄之貨。值銀八  
百八十五萬餘兩。出入相抵。中國贏銀七百九十六萬  
餘兩。

初四日記

日本運到中國之貨。值銀七百三十八萬餘兩。中國運  
往日本之貨。值銀四百八十三萬餘兩。出入相抵。中國  
虧銀二百五十五萬餘兩。澳門運到中國之貨。值銀四

百二十七萬餘兩。中國運往澳門之貨。值銀一百八十  
四萬餘兩。出入相抵。中國虧銀二百四十三萬餘兩。呂  
宋運到中國之貨。值銀三萬八千餘兩。中國運往呂宋  
之貨。值銀二十二萬餘兩。出入相抵。中國贏銀十七萬  
餘兩。安南運到中國之貨。值銀三十四萬餘兩。中國往  
安南之貨。值銀十三萬餘兩。出入相抵。中國虧銀二十  
萬餘兩。暹羅運到中國之貨。值銀九萬餘兩。中國往暹  
之貨。值銀三十五萬餘兩。出入相抵。中國贏銀二十五  
萬餘兩。爪哇來貨。僅值一百餘兩。中國往貨。淨贏二十  
二萬九千餘兩。埃及來貨。僅值四千五百餘兩。中國往

貨淨贏三十六萬餘兩。統計洋貨值銀一萬二千七百零九萬餘兩。土貨值銀八千七百十四萬餘兩。出入相抵中國實虧銀三千九百九十五萬兩。

初五日記

明年恭逢

慈禧皇太后六旬萬壽敬備一切

慶典遵

旨力崇節儉。戶部豫爲籌款約已備五六百萬金。惟各衙門查照乾隆年間迭次

慶典成案實需三千六百萬金。今節至三分之一。尙與

豫籌之款不符而

大典收關。責無旁貸。除由戶部行知各衙門。再將所需力籌節省。請

旨遵行外。戶部現將歲出歲入各款。逐加詳覈。設法騰挪。移緩就急。扼彼注茲。一俟籌有成數。再行奏聞。請旨。

### 初六日記

光緒元年。英國運到中國之貨。值銀二千一百十三萬餘兩。香港運到中國之貨。值銀二千七百五十二萬餘兩。印度來貨。值銀一十四百八十五萬餘兩。新嘉坡來

貨值銀六十九萬餘兩。新金山來貨值銀五十五萬餘兩。加那大來貨值銀六萬餘兩。以上英國及英屬地來貨其值銀六千四百三十一萬餘兩。中國運往英國之貨值銀二千九百十六萬餘兩。往香港之貨值銀一千二百七十四萬餘兩。往印度之貨值銀二十四萬餘兩。往新嘉坡之貨值銀七十九萬餘兩。往新金山之貨值銀二百四萬餘兩。往紐西蘭之貨值銀十七萬餘兩。往大浪山之貨值銀九萬餘兩。往加那大之貨值銀四萬餘兩。以上運往英國及英屬地貨其值銀四千五百三十萬餘兩。出入相抵中國虧銀一千九百零一萬餘兩。

美國運到中國之貨值銀一百零五萬餘兩。中國往美之貨值銀七百六十七萬餘兩。出入相抵。中國贏銀六百六十二萬餘兩。歐羅巴除英俄二國外運到中國之貨值銀七十六萬餘兩。中國往歐羅巴之貨值銀八百五十七萬餘兩。出入相抵。中國贏銀七百八十一萬餘兩。俄國運到中國之貨值銀十萬餘兩。中國往俄之貨值銀四百四十六萬餘兩。出入相抵。中國贏銀四百三十六萬餘兩。

初七日記

日本運到中國之貨值銀二百四十八萬餘兩。中國運

往日本之貨。值銀一百九十五萬餘兩。出入相抵。中國  
虧銀五十三萬餘兩。呂宋來貨。值銀六萬餘兩。中國往  
呂宋之貨。值銀二十三萬餘兩。出入相抵。中國贏銀十  
七萬餘兩。安南來貨。值銀十二萬餘兩。中國往安南之  
貨。值銀七萬九千餘兩。出入相抵。中國虧銀四萬餘兩。  
暹羅來貨。值銀三十三萬餘兩。中國往暹羅。值銀十萬餘  
兩。出入相抵。中國虧銀二十二萬餘兩。爪哇來貨。值銀  
二十三萬餘兩。中國往爪哇之貨。值銀五十萬餘兩。出入  
相抵。中國贏銀二十七萬餘兩。埃及來貨。值銀八千餘  
兩。中國運埃及之貨。值銀一萬一千餘兩。出入相抵。中國



贏銀三千餘兩。統計洋貨值銀六千七百八十萬餘兩。土貨值銀六千八百九十一萬餘兩。出入相抵中國實贏銀一百十萬餘兩。

初十日記

光緒元年進口洋貨。洋藥價銀二千五百三十五萬餘兩。洋布棉紗價銀二千零零六萬餘兩。內棉紗價銀二百七十四萬餘兩。呢羽絨氈類價銀四百五十六萬餘兩。雜樣布價銀十七萬餘兩。銅鐵鉛錫類價銀四百二十二萬餘兩。雜貨價銀一千三百四十二萬餘兩。統共洋貨價銀六千七百八十萬餘兩。光緒九年進口洋貨。洋藥價銀二千

五百三十四萬餘兩。洋布棉紗綫價銀二千二百零四萬

餘兩。內棉紗棉綫銀五百二十四萬餘兩。呢羽絨氈類價銀三百八十九

萬餘兩。雜樣布價銀八萬餘兩。銅鐵鉛錫類價銀四百

六十七萬餘兩。雜貨價銀一千七百五十二萬餘兩。統

共洋貨價銀七千三百五十六萬餘兩。光緒十六年進

口洋貨。洋藥價銀二千八百九十五萬餘兩。洋布紗綫

價銀四千五百零二萬餘兩。內棉紗棉綫價一千九百三十九萬餘兩。呢羽

絨氈類價銀三百六十四萬餘兩。雜樣布價銀十三萬

餘兩。銅鐵鉛錫類價銀六百八十七萬餘兩。雜貨價銀

四千二百四十六萬餘兩。內米價一千一百四十四萬餘兩。統共洋貨

價銀一萬二千七百零九萬餘兩。光緒十七年進口洋貨。洋藥價銀二千八百三十三萬餘兩。洋布紗綾價銀五千三百五十九萬餘兩。內棉紗棉綾價銀二千零九十八萬餘兩。呢羽絨氈價銀四百六十九萬餘兩。雜樣布價銀十萬餘兩。銅鐵鉛錫類價銀七百二十五萬餘兩。雜貨價銀四千零三十二萬餘兩。內煤油價銀五百二十六萬兩。米價銀六百五十九萬餘兩。統其洋貨價銀一萬三千四百萬餘兩。

十一日記

光緒元年出口土貨。湖絲經絲價銀一千九百四十八萬餘兩。另有粗絲等一百二十萬餘兩。綢緞價銀四百零二萬餘兩。紅

茶價銀二千九百七十三萬餘兩。綠茶價銀四百九十六萬餘兩。磚茶價銀一百九十七萬餘兩。草帽綆價銀四十二萬餘兩。糖價銀一百六十一萬餘兩。合別貨共銀六千八百九十一萬餘兩。光緒九年出口土貨。湖土生經絲價銀一千六百九十五萬餘兩。粗絲等價銀二百二十九萬餘兩。綢緞價銀四百零二萬餘兩。紅茶價銀二千六百七十三萬餘兩。綠茶價銀三百九十萬餘兩。磚茶價銀一百五十萬餘兩。草帽綆價銀一百四十六萬餘兩。糖價銀二百三十三萬餘兩。合別貨共銀七千零十九萬餘兩。光緒十六年出口土貨。黃白生絲價

銀一千八百五十八萬餘兩。野絲等價銀五百九十萬餘兩。綢緞價銀五百九十六萬餘兩。紅茶價銀二千零五十七萬餘兩。綠茶價銀三百七十萬餘兩。磚茶價銀二百三十四萬餘兩。草帽纓價銀二百萬餘兩。糖價銀二百六十六萬餘兩。合別貨共銀入千七百十四萬餘兩。光緒十七年出口土貨黃白生絲價銀二千四百五十一萬餘兩。野絲等價銀五百三十六萬餘兩。綢緞價銀七百零一萬餘兩。紅茶價銀二千四百九十七萬餘兩。綠茶價銀三百五十四萬餘兩。磚茶價銀二百四十萬餘兩。草帽纓價銀一百六十萬餘兩。糖價銀二百

五十九萬餘兩其銀一萬零零九十四萬餘兩

十二日記

光緒六年進口洋貨洋藥價銀三千六百五十三萬餘

兩洋布紗縐價銀二千二百五十九萬餘兩

內棉紗縐  
縐銀三百

十九萬  
餘兩

呢羽氈絨價銀四百九十五萬餘兩銅鐵鉛錫

價銀四百十三萬餘兩雜貨價銀一千三百八十八萬

餘兩統其洋貨價銀八千二百二十二萬餘兩光緒十

二年進口洋貨洋藥價銀二千四百九十八萬餘兩洋

布紗縐價銀二千九百零四萬餘兩

內棉紗縐  
縐銀七百八十六萬餘兩

呢羽絨氈價銀五百六十三萬餘兩銅鐵鉛錫價銀五

百三十一萬餘兩。雜貨價銀二千二百四十一萬餘兩。  
內火油二百二十一萬餘兩。統共洋貨價銀八千七百四  
十七萬餘兩。光緒十四年進口洋貨。洋藥價銀三千二  
百三十三萬餘兩。洋布紗纈價銀四千四百四十三萬  
餘兩。內棉紗棉纈價一千三百七十五萬餘兩。呢羽絨價銀五百零九萬餘  
兩。銅鐵鉛錫價銀六百八十八萬餘兩。雜貨價銀三千  
五百九十萬餘兩。內米價九百六十三萬餘兩。火油二  
百二十一萬餘兩。白來火一百零八  
萬餘兩。統共洋貨價銀一萬二千四百七十八萬餘兩。

十三日記

光緒六年出口土貨。湖土生經絲價銀二千二百五十

九萬餘兩。野絲等價銀一百二十七萬餘兩。綢緞絲帶  
價銀四百七十四萬餘兩。紅茶價銀二千七百五十二  
萬餘兩。綠茶磚茶價銀五百七十四萬餘兩。草帽緹價  
銀九十六萬餘兩。糖價銀三百零四萬餘兩。合別貨共  
銀七千二百二十八萬餘兩。光緒十二年出口土貨。湖  
土生經絲價銀一千七百九十二萬餘兩。野絲等價銀  
三百九十一萬餘兩。綢緞絲帶價銀七百萬餘兩。紅茶  
價銀二千七百六十九萬餘兩。綠茶磚茶茶末價銀五  
百八十一萬餘兩。草帽緹價銀二百零八萬餘兩。糖價  
銀一百六十八萬餘兩。合別貨共銀七千七百二十萬



餘兩。光緒十四年出口土貨黃白生絲價銀一千八百七十萬餘兩。野絲等價銀五百零五萬餘兩。綢緞等價銀八百四十一萬餘兩。草帽纒價銀一百九十九萬兩。糖價銀二百四十八萬餘兩。紅茶價銀二千三百七十三萬餘兩。綠茶磚茶六百五十五萬餘兩。合別貨其銀九千二百四十萬餘兩。

### 十四日記

美使駐英者舊係二等。今始改爲頭等。新到公使貝特洽者。曾任外部尙書。與張樵野交情頗密。余循例往拜之。貝君年近七十。和平篤厚。款語移時而別。光緒六

年中國運英紅茶九十三萬餘擔。運俄四十二萬餘擔。  
運香港十六萬餘擔。運北美國十四萬餘擔。運新金山  
九萬餘擔。其計一百八十萬餘擔。光緒十二年中國運  
英紅茶磚茶末在內八十九萬餘擔。運俄五十九萬餘擔。運  
北美國十八萬餘擔。運香港十五萬餘擔。運新金山十  
二萬餘擔。其計二百零二萬餘擔。光緒十四年中國運  
英紅茶六十三萬餘擔。運俄六十七萬餘擔。運美十八  
萬餘擔。運香港十七萬餘擔。運新金山十六萬餘擔。運  
澳門四萬餘擔。其計一百九十五萬餘擔。光緒十六年  
中國運俄紅茶五十八萬餘擔。運英三十八萬餘擔。運

美十六萬餘擔。運香港十三萬餘擔。運新金山十萬餘擔。其計一百四十六萬餘擔。光緒十七年。中國運俄紅茶六十三萬餘擔。運英三十六萬餘擔。運香港十七萬餘擔。運美國十六萬餘擔。運新金山十萬餘擔。運澳門三萬餘擔。其計一百五十四萬餘擔。

十五日記

總理衙門來信云。帕米爾界務。本年正月經竹筴星使疏請於塔什庫爾干等處屯兵置戍。當奉

廷旨飭令神機營北洋撥械。疆撫撥兵。慎籌守備。二月間竹筴來電。以俄願和商。請即指實薩雷闊雷山以西

願分之地本處晤俄使喀希尼告以白烏仔別里往南至薩雷庫里東西互讓喀約斷不能廢祇可通融喀使允電外部尙未答復楊虞裳函云帕米爾界址當軸殊費經營幸自籌防以來喀使口氣漸鬆然俄外部欲我讓至色勒庫爾而英使又欲我會勘瓦罕一時尙難定議

### 十六日記

上年由中國運入英國之金值銀二百零九萬六千餘磅前年中國運英之金值銀九十萬九千餘磅日本運英之金值銀二萬餘磅

出使日記續刻

卷七

美 傳經樓校本

十八日記

余於正月初九日電總署云。騰越八關除漢龍關早淪於緬外。黃株材西輅日記謂天馬關亦淪於緬。滇省繪圖尙在界綫內。又滇圖銅壁關在紅蚌河內。洋圖則在河西。英人方爭紅蚌河爲界。然恐失去銅壁。請電滇帥將二關實址電查速示。正月十八日接總署電云。滇督覆稱天馬在猛卯土司西南界內。被野人占踰。實在紅綫之內。銅壁在紅蚌河東。爲南甸土司所轄。設有撫夷洋圖在西實誤。三月二十七日余電總署云。英廷謂漢龍關若在猛卯土司東南。可允還我。否則難定。請查勘。

確實免勘界時受彼朦混。四月二十一日又電總署云。滇帥前稱天馬關被野人占踞。今外部稱此關早歸緬屬木邦土司管轄。請電滇帥查詢可爭之鐵據。本月十五日接署電云。滇督稱漢龍關在猛卯東南。係猛卯遮放及緬之南坎交界處。宛頂山間。距猛卯八十里。距遮放尤近。早經入緬。被野人奪踞。已爲遮放復回。上年繪呈界圖。尤覺稍偏於西南云。十七日接署電云。滇督稱天馬關原係猛卯地。後被野人占踞。此項野人現在曾否歸入木邦。未能查悉。至猛卯土司所屬。舊有天馬關撫夷名目。有案可稽。

十九日記

去年新嘉坡入口貨值洋銀一萬零六百九十七萬餘員。出口貨值九千七百八十五萬餘員。檳榔嶼入口貨值洋銀四千一百四十二萬餘員。出口貨值四千三百六十七萬餘員。麻六甲入口貨值洋銀一百六十八萬餘員。出口貨值一百四十八萬餘員。洪範言稼穡作甘。其時甘味祇用飴。卽今之飴是也。自宋以來始有糖霜。產於閩地。以蔗製成。所出尙微。頗爲貴重。近世販之東西洋而生意甚巨。泰西用萊菔製糖。霜以萊菔亦有甜味也。如是則中國之萊菔亦可製糖矣。又有蔗粟產

於沿海各處。崇明擅利尤厚。細膩雖不如蔗。而甜味不讓。似亦可以製糖。又如紙之一物。需用更大。江西福建產紙尤多。製紙之料。人但知以竹以草。或以樹皮。西人紙料。乃有以爛布製成者。則更化朽腐爲神奇矣。中國之棄物。非不多。而不思造爲有用之物。何也。

### 二十日記

西六月二十二日。

中五月  
初九日

英國大鐵甲船曰維多利亞。

以操演被撞。沈沒於地中海。英人深惋惜之。僉謂二十三年前。英有開必登兵船。曾經失事。今不幸又失此巨艦。自後操練。當格外審慎云。是日天氣晴朗。海波不揚。



出使日記續刻

卷七

全傳經樓校本

地中海水師大操其兵船十二號一維多利亞一康不塘一尼爾一德拉特諾一音弗勒雪白爾一可凌霧一飛吞一愛停波一森派力爾一衣茄一阿模芬一飛挨拉斯一排模清晨十點鐘由培羅脫海埠此埠在亞洲西里亞省往的黎波里屬阿非利加洲會操操至三點四十分演兩行環繞陣名曰葛力特倫以維船康船爲首領維船大將軍爲寶星德蕾引康船主將曰馬克模因水路太近康船首尖鋼鋒誤撞維船左身該船破位笨重重各一百十噸船身共載一萬四千噸丁亥年落成時約費英金一百萬磅鍋崩竿裂頃刻沈溺右身側左船底仰天祇十

五分鐘盡化烏有。該處水深七十托距的黎波里不過七英里。船中水師兵官等共有六百九十八人。救出者二百五十五人。內有船主巴克溺死兵官二十二人。內有德蓄引水手三百三十六人。船重水急。從右側左吸力過猛。雖善水性者亦難逃生。且水入鍋內。鍋漲而裂。故受傷者尤多云。

### 二十一日記

慶霽堂來函云。法人將越南廢王自阿爾治遣送巴黎。見法總統。似有復位之意。因今王年幼好玩。越大臣請復舊王。法亦可允。又外部德維勒云。按通使公例。彼此

擬派之使須先開列詢問接待與否如允接待方可簡放此次更代何以詢英而不詢法答以法遣使臣向未詢中國而英則嘗詢問故稍有參差德云以後兩國遣使均宜按照公例豫先知照又云昨接越南來電知滇越分界之事業已告竣祇有兩處小地意見未合不難從容辦理此外尙有老撾地方亦爲滇越交界應卽早爲勘定以免日後輾轉本國保護越南已屬鞭長莫及不願再佔地方老撾經本國派人查明山路崎嶇瘴癘可畏非大金沙江上游膏腴之地可比不難妥速辦結又云已飭李梅向總理衙門探問消息尙無回音

二十二日記

英皇次孫瑤克公今爲英太子之冢嗣以明日成婚余於四月二十日電達總署請傳

旨致賀旋由總署電答云卽由貴大臣傳

旨致賀遵

旨電達今日余備文親赴外部晤見外部大臣勞偲伯力告以

大皇帝致賀之意勞手接文書答云容卽日轉奏君主復殷勤數語而別又聞各國公使駐英者皆送婚儀以表賀忱中國古磁器向爲西人所愛玩余適攜有景泰

出使日記續刻

卷七

全

藍數件遂舉以備賀婚儀物計天球形高口瓶二座穿  
枝花小罐二箇十景花六楞小鑪二座金地高把酒壺  
一把皆景泰藍也瑤克公覆函致謝稱爲第一上等禮  
物云是日大太子請英君主赴其花園茶會亦慶婚禮  
也所請各使及公侯伯及文武顯官約二千人余率參  
贊張聽帆往會焉

二十三日記

先是總署來電云俄人覬覦小帕米爾謂我已將坎巨  
提讓英力辨係兩屬而彼不信且有喀城官送羊三百  
與駐坎英官等語擬派員駐坎爲兩屬憑據以杜俄口

而爭小帕希先與外部說明我派員在坎決不多事。俄得小帕恐不利於坎。彼答語如何。卽電復余遣馬清臣與外部商議。再四終不就範。余復總署電云。派員駐坎事。商外部堅不允。據云坎本兩屬。英未損我權。若欲權反加於舊。則難。小帕地屬中國。各國皆知。可嚴拒之。余昨晤勞偲伯力。又以駐坎英官不許我莎車州給諭單與坎酋責之。謂如此是顯欲阻坎貢也。因復申論派員之事。勞云。中國派員非舊例。自後英當嚴飭兵官不許阻止華官給諭坎酋之事。

二十五日記

猶太國人旅居西洋各國一千數百年矣。善以居積致富。仍自守其風俗。與他國人不通婚姻。所至能執其財利之權。卽如英吉利豪富之國也。而倫敦之稱首富者。則必推猶太人。雖英之世爵暨巨紳殷商。莫之能敵。聞倫敦猶太人發迹之由。方拿破侖第一之擾亂歐洲也。英大將威林登會合俄奧諸軍。與拿破侖相持未決。猶太人多養馴鴿。攜至戰場。伺候勝負。迨英軍已擒拿破侖。猶太人縱鴿回至倫敦。飛遞密信。而故縱謠言。謂威林登已被法擒。是時電綫之法未行。通國信以爲實。上下震動。凡英商公司之在法國及他國者。股分票價一

日驟跌至不及十分之一。尙無人願購者。猶太人已現  
備英金一千萬鎊。儘數收買。比威林登報捷之馬馳到。  
已遲於鴿信三日。而通國英商股分之精華。已大半入  
猶太人之手。追悔無及矣。迄今猶太人富可敵國。各國  
欲借國債數千百萬鎊。不與猶太人商之。則事必無成。  
而猶太人遂爲經理國債之宗主。凡地球各國之安危  
治亂貧富強弱。與其政府之密謀秘計。猶太人無不知  
之。卽各處絕大銀行之股本。猶太人無不有之。夫以英  
人之善理財。猶自謂不如猶太人。則猶太人眞雄邁矣  
哉。



二十六日記

接李傅相來電云現欲推廣紡紗須僱總洋匠一名購辦新樣細紗機一百張每日夜須出十四五號紗五百包每包重四百鎊配搭軋花清花梳花棉條粗紗搖紗打包各機件俱全其大機器銅鑪須足敷紗機五百張之用又要能省煤備將來擴充此爲國家商務興大利望妥細考核先電示機器總價選總匠尤要卽令監造並繪廠圖速寄

二十八日記

委內瑞辣南墨洲最北之民主國也東界英屬至阿那

南界巴西。西界可倫比亞。北界加勒海。北緯自一度三十分至十二度十二分。經度英京西五十九度五十二分至七十三度十五分。得五十六萬六千一百五十九英方里。戶口二百十二萬一千九百八十人。氣候極熱。北西南三面皆有樹林。北境有安達大山之東嶺。橫亘東西。啞林拿可江爲其國利源所在。上游通於亞馬孫河。大湖曰馬來開罷。甲於南亞墨利加。出口有可可加非。靛糖。烟葉。棉花。皮革。牛油。金剛刺草。染料。木料等。又有所謂牛樹者。出漿如乳。故名。有上下議院。伯理璽天德正副二人。國分二十一部。三埠。省各有總督。自主。

其政其制悉仿美國云都城曰加拉架建於北境距海  
十二英里山谷中人有白人土人雜種人白人不過百  
之一雜種則西班牙人及阿洲黑奴與土人嫁娶所生  
鐵路三百七十英里財賦歲入英金一百六十一萬餘  
鎊歲出一百十四萬餘鎊洋債英金二百七十二萬餘  
鎊國債亦有一百五十七萬餘鎊

出使日記續刻卷之七終